







নাপানন্দ ।

শ্রীজ্যোতিরিন্দ্রনাথ ঠাকুর ।

সাহিত্য এণ্ড কোং

কলিকাতা ।



# নাগানন্দ ।

শ্রীজ্যোতিরিন্দ্রনাথ ঠাকুর কর্তৃক  
অনুবাদিত ।

কলিকাতা

২৫ নং রায়বাগান স্ট্রীট, ভারতমিহির বস্ত্রে,  
সাহিত্যাল এণ্ড কেম্পানি দ্বারা  
মুদ্রিত ও প্রকাশিত ।

১৩০৯ ।

মূল্য ৮০ আনা ।



## ভূমিকা

নাগানন্দ নাটক কনৌজের অধিপতি শ্রীহর্ষদেব কর্তৃক বিরচিত। রসাবলী নাটিকাও হইহার রচনা। এই নাটকখানি পাঠ করিলে গ্রন্থকারকে বৌদ্ধধর্মাবলম্বী কিম্বা বৌদ্ধধর্ম-প্রবণ বলিয়া মনে হয়। বৌদ্ধধর্ম-প্রবণ বলিলাম,—কেননা দেখা যায়, যেমন একদিকে অহিংসা পরম ধর্ম—এই বৌদ্ধ নীতি-সূত্রটি এই নাটকে প্রতিপাদিত হইয়াছে ও বোধিসত্ত্বদিগের পতি প্রগাঢ় ভক্তি প্রদর্শিত হইয়াছে, সেইরূপ আবার অল্প দিকে, গৌরী ও ইন্দ্র প্রভৃতি দেব দেবীরও পূজা ভক্তি সহকারে বর্ণিত হইয়াছে। চীনাগ পর্য্যটক হুয়েন-ৎসান তাঁহার ভারত-ভ্রমণ-বৃত্তান্তে শ্রীহর্ষদেবের ধর্মমত সম্বন্ধে বাহা বর্ণনা করিয়াছেন তাহা পাঠ করিলে এই রচয়িত্রের কতকটা ব্যাখ্যা পাওয়া যায়। হুয়েন-ৎসাং বলেন, সময়ে সময়ে তিনি কখন বা হিন্দুধর্মের দিকে, কখন বা বৌদ্ধধর্মের দিকে ঝুঁকিয়া পড়িতেন; কখন বা বুদ্ধ-দেবের মূর্তিকে এবং কখন বা সূর্য্যদেব ও মণিদেবের মূর্তিকে উচ্চ আসন প্রদান করিতেন; তাঁহার রাজ্যে বৌদ্ধ-মঠ ও হিন্দুমন্দির উভয়েরই সংখ্যা প্রায় সমান ছিল।

শ্রীহর্ষদেব (হর্ষবর্দ্ধন) দ্বিতীয় শিলাদিত্য নামে ইতিহাসে খ্যাত। তিনি খৃষ্টাব্দ ৬০৬ হইতে ৬৪৮ বর্ষ পর্য্যন্ত কনৌজে রাজত্ব করেন।





## পাত্রগণ ।

### পুরুষবর্গ ।

#### স্বত্বধার

জীমূতবাহন (নায়ক)

অত্রেয় (বিদুষক)

জীমূতকেতু

মিত্রাবসু

শেখরক (বিট)

শঙ্খচূড়

গরুড়

সুনন্দ

তাপস, দাস, কিঙ্কর ইত্যাদি ।

বিদ্যাধর-রাজকুমার, ভাবী বিদ্যাধর-চক্রবর্তী ।

জীমূতবাহনের বয়স্ক ।

জীমূতবাহনের পিতা ।

সিন্ধুরাজ বিশ্বাবসুর পুত্র, ও মলয়বতীর ভগিনী ।—খ্যাত

রাজ-পারিষদ ।

একজন নাগ ।

পক্ষিরাজ ।

প্রতীহারী ।

### স্ত্রীবর্গ ।

মলয়বতী (নায়িকা)

মনোহারিকা

চতুরিকা

নবমালিকা

বৃদ্ধা (১)

বৃদ্ধা (২)

গৌরী

সিন্ধুরাজকুমারী ।\*\*

মলয়বতীর দাসীগণ ।

শঙ্খচূড়ের মাতা ।

জীমূতবাহনের মাতা ।

বিদ্যাধরদিগের অশিষ্ঠাজ্ঞী দেবতা ।



# নাগানন্দ ।

## প্রথম অঙ্ক ।

নন্দী ।

“সমাধির ছল করি’ কোন্ প্রেমসীরে তুমি  
করিছ চিন্তন ?  
ক্ষণেক উন্মীলি চক্ষু, এই কামাতুর জনে  
কর গো দর্শন ।  
পরিত্রাতা হইয়াও তুমি তো গো এ বিপদে  
নাহি কর ত্রাণ,  
মিথ্যা কারুণিক তুমি— নির্দয় আহুয়ে কেবা  
তোমার সমান ?”  
— এইরূপ ঈর্ষাভরে কামিনীরা তিরস্কার  
করেন বাহারে  
সেই প্রভু বুদ্ধ-জিন সতত করুণ রক্ষা  
তোমা সবাকারে ।  
আকর্ষি’ কার্ম্মুক কাম ;— ঢাক ঢোল বাজাইয়া  
কাম-অমুচর সব উদ্দাম উদ্ভত ;  
ভ্রতঙ্গ উৎকম্প জুই, মুহ-হাস্য লোল-দৃষ্টি  
হার-ভাব প্রকাশিয়া দিব্যান্ধনা যত ;

নতশিরে সিদ্ধগণ ;                      বিশ্বয়ের বশে ইন্দ্র

হয়ে লোমাক্ষিত ;

দেখিল গো যে পুরুষে :— ধ্যান-যোগে লভি জ্ঞান

নহে বিচলিত ;

—সেই সে মুনীন্দ্র বুদ্ধ              তোমা সবাকারে রক্ষা

করুন নিষত ॥

( নান্দীর পর )

সূত্রধার ।—অতি বাহুল্যে প্রয়োজন নাই । মহারাজ শ্রীহর্ষদেবের পাদ-  
পদ্মোপজীবী যে সব রাজারা, মহারাজের সাদর আহ্বানে দেশ  
দেশান্তর হতে এখানে সমাগত হয়েছেন তাঁরা আজ আমাকে এই  
কথা বল্লেন ;—“আমাদের প্রভু মহারাজ শ্রীহর্ষদেব, অপূর্ব আধ্যান-  
বস্তুতে অলঙ্কৃত, ও বিদ্যাধর-অধীশ্বর নায়ক-সমন্বিত “নাগানন্দ”  
নামে যে নাটক রচনা করেছেন, তার কথা আমরা ক্রতি-পরম্পরায়  
কেবল শুনেছি মাত্র, কিন্তু তার অভিনয় কখন দেখিনি । অতএব,  
সর্বজন-হৃদয়-রঞ্জন সেই রাজার সম্মানার্থ এই নাটকখানি আমাদের  
সম্মুখে তোমরা আজ অনুগ্রহ করে’ অভিনয় কর ।” এখন তবে  
সাজসজ্জা করে’ এসে তাঁদের অভিলাষ পূর্ণ করা যাক । ( পরিক্রমণ  
ও অবলোকন করিয়া ) আমার বিশ্বাস, উপস্থিত সভাসৎদেরও মন  
শৌনবার জন্ত উৎসুক হয়েছে । কেননা ;—

শ্রীহর্ষ নিপুণ কবি ;

গুণগ্রাহী এই সভ্যগণ ;

নাট্যে দক্ষ-মোরা হবে ;

কিবা তবে অত্র প্রয়োজন ?

বস্তুর গৌরবে শুধু

ইষ্ট ফল পাইবার কথা,

তাহে পুন ভাগ্যক্রমে

সর্বগুণ সমুদিত হেথা ॥

এখন তবে গৃহে গিয়ে, গৃহিণীকে আহ্বান করে' সঙ্গীত আরম্ভ করে দি । ( পরিক্রমণ করিয়া, নেপথ্যাভিমুখে দেখিয়া ) এই আমাদের গৃহ—প্রবেশ করা যাক । ( প্রবেশ করিয়া ) ঠাকরুণ ! এই দিকে এসো তো একবার ।

( নটীর প্রবেশ )

নটী ।—( সাক্ষরলোচনে ) হতভাগিনীকে ডাক্ কেন ? কি করতে হবে বল ।

স্বত্রধার ।—ওগো ! “নাগানন্দ” অভিনয় করতে হবে, আর কিছু নয়—এতে তুমি অকারণে রোদন করচ কেন ?

নটী ।—কঁাদব না কেন বল । শ্বশুর শাশুড়ীর, বৃদ্ধাবস্থায়, সংসারে অত্যন্ত বৈরাগ্য হয়েছে—আর তুমি এখন সংসার-ভার বহন করতে সক্ষম হয়েছ মনে করে' তাঁরা তপোবনে চলে গেছেন ।

স্বত্র ।—( নৈরাশ্র-সহকারে ) কি ? আমাকে ত্যাগ করে' তাঁরা তপোবনে চলে গেছেন ? এখন তবে কি কর্তব্য ? ( চিন্তা করিয়া ) এখন আমি তাঁদের চরণ সেবার সুখ ত্যাগ করে' কি করে'ই বা গৃহে থাকি ? দেখ, আমিও ;—

সেবিতে পিতামাতা

পৈতৃক ঐশ্বর্য্য সব ত্যজি'

জীমূত বাহন-সম

যাব চলি' তপোবনে আজি ।

( উভয়ের প্রস্থান )

## ইতি প্রস্তাবনা ।

( নায়ক ও বিদুষকের প্রবেশ )

নায়ক ।—( বৈরাগ্যের ভাবে ) দেখ বরষ আত্রেয় !

জানি আমি, যউবন বাসনা-আধার ;

ক্ষণ-ধ্বংসী—ইহাও গো জানি আমি সার ;

কে না জানে ধরাতলে, এ ছার যৌবন

কার্য্যাকার্য্য বিচারণে সতত অক্ষম ।

তবু এ যৌরন যদি

পিতা মাতার সেবায়

হয় নিয়োজিত

—যতই হউক মন্দ—

সে যৌবনে হয় লাভ

সুফল বাঞ্ছিত ॥

বিদু ।—( সরোষে ) দেখ সখা ! বৈরাগ্যগ্রস্ত ব্যক্তির মত' তুমি তো

এতকাল তোমার এই জীবন্মৃত বুদ্ধ পিতা-মাতাদের জন্ত বনবাস

হুঃখ ভোগ করলে ; এখন তাঁদের সেবা শুশ্রূষা ত্যাগ করে' ইচ্ছা-

সন্তোগ-সুশ্রুত রাজ্যসুখ একবার অনুভব করে' দেখদিকি !

নায়ক ।—সখা ! তুমি কথাটা ঠিক বলো না । কেননা :—

পিতার সম্মুখে থাকি'

ভূতলে যে শোভার উদয়,

সিংহাসন-পরে বসি'

সেই শোভা কভু কিগো হয় ?

পিতার চরণ সেবি' হয় যেই সুখ

সমস্ত সাম্রাজ্য লাভে হয় কি সেরূপ ?

যে সন্তোষ হয় মনে                      পিতার পাতের অন্ন

করিয়া ভোজন

কভু কি সেরূপ হয়                      যদিও গো করি ভোগ

এ বিশ্ব ভুবন ?

যে করে সাম্রাজ্য ভোগ

গুরুজনে করি' পরিহার

নাহি তাহে কোন স্মৃতি,

সে রাজ্যে ক্লেশ মাত্র সার ॥

বিদু।—( স্বগত ) আহা ! গুরুজনের শুশ্রূষায় এ'র কি আশ্চর্য্য অনুরাগ !

ভাল, আর কোন রকম করে' বলা যাক । ( প্রকাশ্যে ) দেখ সখা,

এ কথা আমি কেবল রাজ্য-স্মৃতির উদ্দেশে বল্চিনে ; দেখ, তোমার  
অন্ত কর্তব্যও আছে ।

নায়ক ।—( সঙ্গিত ) না না সখা, যা করবার আমি সমস্তই করেছি ।

মস্ত্রিগণে ন্যায্যপথে করিছু যোজিত ;

সাধুগণে স্মৃতি-মার্গে করিছু স্থাপিত ;

করিলাম রাজ্যরক্ষা ;—আশার অধিক দান

করিলাম কল্লদ্রুম-সম অর্থী জনে ;

এর পর কি আছে গো কর্তব্য অধিক আর,

আমায় বল গো যাহা আছে তব মনে ॥

বিদু।—দেখ সখা, তোমার প্রতি পক্ষ সেই মতঙ্গ-হতভাগা অত্যন্ত

হুঃসাহসিক ; আমার মনে হয়, সে নিকটে থাকতে, মন্ত্রীদের উপর

রাজ্য ভার দিলেও, তোমা-বিনা রাজ্য কখনই স্থিতির হবে না ।

নায়ক ।—ধিক্ মূর্থ ! মতঙ্গ রাজ্য হরণ করবে, এই তোমার আশঙ্কা  
হচ্ছে ?

বিদু।—হাঁ, আমার সেই আশঙ্কা ।



নায়ক ।—তা হলে তো আমার সব অভীষ্টই সফল হয় । আমি আপনা হতে যা না দিতে পারি, পিতার আদেশ পালনের অনুরোধে, নিজের শরীর হতে আরম্ভ করে’—আমার সমস্তই পরার্থের ত্রায় অনায়াসে দান করতে পারি । তবে, এই ছার রাজ্যের কথা চিন্তা করে’ আর কি হবে ? রাজ্যভোগ করা অপেক্ষা, পিতার আজ্ঞা পালন করা শতগুণে শ্রেষ্ঠ । দেখ, পিতা আমাকে এইরূপ আদেশ করে-ছেন :—“বৎস জীমূতবাহন ! বহুদিবস হতে এই স্থানের সমিৎ কুসুম আহরণ ও কন্দমূল ফল ভোগ করা গেছে ; অতএব এখন এ স্থান হতে মলয় পর্বতে গিয়ে, একটা বাস-যোগ্য আশ্রম নিরূপণ কর ।” তাই বলি সখা, এসো এখন সেই মলয় পর্বতেই যাওয়া যাক ।

বিদু ।—আচ্ছা, তবে সেইখানেই চল । ( পরিক্রমণ )

বিদু ।—( সম্মুখে অবলোকন করিয়া ) দেখ, দেখ, আহা !

সরস স্নিগ্ধ ঘন চন্দন-বন-উৎসঙ্গ লভি’  
 পরিমলে পূর্ণ বায়ু ; সুবিমল গিরি-তট হতে  
 নির্ঝর সলিল-রাশি পড়িতেছে চূর্ণ চূর্ণ হয়ে ;  
 —তাহার শীকর বহি’ সুরভিত মলয়-মাকৃত  
 প্রথম-মিলনোৎসুক প্রিয়া কণ্ঠ-আলিঙ্গন-সম  
 পথ-শ্রম করি দূর বয়স্তরে করে রোমাঞ্চিত ॥

নায়ক ।—( সবিস্ময়ে নিরীক্ষণ করিয়া ) এই যে, আমরা সেই মলয়-পর্বতে এসে পৌঁছেছি ( চারিদিকে অবলোকন করিয়া ) আহা, এ স্থানটি কি রমণীয় ! দেখ :—

চন্দনের তরু হতে                      ঝরে ক্ষীর, ভগ্ন হয়ে  
 মত্ত দিকু-গজদের  
 গণ্ড-ঘরষণে :

সিকু-গরজন সম

কন্দর গহ্বর হতে

ক্রন্দনের ধ্বনি উঠে

পবন তাড়নে ;

পদ-অলঙ্কারে রক্ত

মুক্তাময় শিলাভূমি

যত সিদ্ধাঙ্গনাদের

গমনাগমনে ;

হেরি' এ মলয়াচল,

অপূর্ব ঔৎসুক্য কি যে

জনমে হৃদয়-মাবে

বলিব কেমনে ॥

এসো তবে এই পর্বতে আরোহণ করে' একটা আশ্রমের স্থান নিরূপণ করা যাক্ ।

বিদু।—হাঁ, সখা, ( অগ্রে থাকিয়া ) এসো । ( আরোহণ )

নায়ক।—( দক্ষিণ চক্ষুর স্পন্দন ) একি !

নাচিছে দক্ষিণ চক্ষু,

ফলাকাজ্জ্বা নাহি মোর কোনো ;

দেখা যাক্ ;—মুনি-বাক্য

মিথ্যা নাহি হয় জ্ঞে কখন ॥

বিদু।—সখা ! এই দক্ষিণ চক্ষুর স্পন্দন, তোমার কোন আসন্ন স্বথের সূচনা করচে ।

নায়ক।—যা বল্লে সখা !

বিদু।—( অবলোকন করিয়া ) দেখ দেখ সখা ।

স্বিলম্বিত হুনিবিড়

তরুণে হুশোভিত

দেখ যায় ওই দেখ

পুণ্য তপোবন ;

হবির স্নগন্ধে পূর্ণ                      সবেগে উঠিছে ধূম,  
 মৃগ-শিশু স্খাসীন  
 —নিরুদ্ভিগ্ন-মন ॥

নায়ক ।—তুমি ঠিকই লক্ষ্য করেছ—তপোবনই বটে । কেন না :—

বাস-পরিধান তরে                      সদয়ে হয়েচে ছিন্ন  
 নাতি-স্কুল তরুণ বঙ্গল ;

মগ্ন কমণ্ডলু জীর্ণ                      স্পষ্টরূপে দেখা যায়  
 • এমনি নির্মল স্বচ্ছ নিখারের জল ;

ব্রাহ্মণ-বালকগণ                      মৌজ-মেথলা ছিন্ন  
 ফেলিয়াছে হেথায় হোথায় ;

সাম-বেদ-পদাবলী                      নিয়ত শ্রবণ-হেতু  
 শুক-পক্ষী দেখে কিবা গায় ॥

এসো তবে, ভিতরে প্রবেশ করে' দেখা যাক ।

( প্রবেশ )

(সবিস্ময়ে অবলোকন করিয়া) দেখ, মুনিরা যেমন হৃষ্টচিত্তে বেদবাক্যের  
 সন্ধিদ্ধ স্থলগুলি বিচার করে' ব্রাহ্মণ-বালকদের নিকট সবিস্তরে ব্যাখ্যা  
 করচেন—বাল্লকেরাও, দেখ আদ্র' সমিৎ কাষ্ঠ সব ছেদন করছে ; আর  
 দেখ, তাপস-কুমারীরা চারা গাছগুলির তলায় জল সেচন করচে—  
 আহা এই তপোবনের কি প্রশান্ত রমণীয়তা ! দেখ এখানে :—

মধুর বচনে কিবা                      ভ্রমর-গুঞ্জনচ্ছলে

বলিয়া স্বাগত

ফলনত্র-শিরে শাখী                      আমাদের সন্নিহিতে

হতেছে প্রণত ;

অর্ঘ্যচ্ছলে পুষ্পবৃষ্টি                      এই দেখ তরু সবে

করে বিকীরিত ;

অহো ! কি আশ্চর্য্য হেথা, অতিথি-সেবায় দেখি

শাখীরাও হয়েছে শিক্ষিত ॥

হাঁ, এই তপোবনটি নিশ্চয় আমাদের বাসের উপযুক্ত ; এইখানে বাস করলেই শান্তি-সুখ লাভ হবে ।

বিদু ।—দেখ সখা, ঐ হরিণগুলি একটু ঘাড় বঁকিয়ে, স্থির ভাবে কেমন দাঁড়িয়ে আছে ; মুখের চিবোনো ঘাস মুখ থেকে ঝরে ঝরে পড়চে, আর আরামে চক্ষু যেন মুদে আসুচে ; আর দেখ, কাণ খাড়া করে' কি-যেন শুন্চে ।

নায়ক ।—( কাণ পাতিয়া ) সখা ! তুমি ঠিকই লক্ষ্য করছ ।

অবধান-যোগ্য বটে ; ভ্রমর-গুঞ্জন সম

বীণা-তন্ত্রী-স্বরে কিবা

হইয়া মিলিত

সম-মন্ত্র-তার-ধ্বনি প্রকটিয়া যথা স্থানে

সুস্পষ্ট ললিত গীত

হয় উচ্ছৃসিত ।

অলস কুরঙ্গ তাই

দম্ভ-অস্তুরাল-স্থিত

তৃণ-চৰ্কেণ-শব্দ করিয়া সংঘম

উৎসুক হইয়া এবে

করিছে শ্রবণ ॥

বিদু ।—সখা, এই তপোবনে আবার কে গান করে ?

নায়ক ।—দেখ কোমল আঙুলে যেন আহত হয়ে মধুর অক্ষুট ধ্বনি বীণা-তন্ত্রী হতে নির্গত হচ্ছে ; তাই মনে হয়, কোন দিব্যাজ্ঞনা ( অঙ্গুলী নির্দেশ করিয়া ) এই দেবালয়ে আরাধনা করতে করতে বীণার সঙ্গে গান করছেন ।

বিদু ।—এসো সখা, দেবালয়ের মধ্যে প্রবেশ করে' দেখা যাক ।

নায়ক ।—বেশ বলেছ সখা । দেবতাদের বন্দনা করা আমাদেরও কর্তব্য  
 ( নিকটে গিয়া সহসা ধামিয়া ) সখা ! এ সময়ে সহসা সম্মুখে গিয়ে  
 জ্বীলোকটিকে দেখা আমাদের উচিত হয় না । এসো আমরা  
 এই তমাল-গুল্মের অন্তরালে অপেক্ষা করি । ( তথা করণ )

দৃশ্য ।—দাসীর সহিত ভূতলে বসিয়া মলয়বতীর বীণা বাদন ।

নায়িকা ।—( গান করিতে করিতে )

গীত ।

ফুল পত্ররেণু সম

গউর বরণ তব

ও মোর গোঁরি !

মনোবাঞ্ছা কর পূর্ণ

সুপ্রসন্ন হয়ে দেবি

প্রসাদ বিতরি ॥

নায়ক ।—( কাণ পাতিয়া শ্রবণ ) সখা ! কি চমৎকার গান—কি  
 চমৎকার বাদ্য !

দশবিধ প্রকরণে

স্বর-ধাতু করি' প্রকটিত,

ক্রম মধু বিলম্বিত =

ত্রিধা লয় করি' প্রদর্শিত,

গোপুচ্ছ-প্রমুখ যতি

—তিনরূপ হইলেও—

যথা ক্রমে করি' সম্পাদন,

বীণা-যন্ত্র-অনুগত

ত্রিবিধ বাদ্যের বিধি

করিছেন দিব্য প্রদর্শন ॥

দাসী ।—(প্রণয়-সহকারে) দিদিঠাকরণ ! দেহীর সম্মুখে বাজিয়ে বাজিয়ে  
 তোমার আঙ্গুল কি এখনও শাস্ত হয়ে পড়ে নি ?

নায়িকা ।—( তিরস্কারের ভাবে ) ওলো ! দেবীর কাছে বাজিয়ে আঙ্গুল  
কি কখন শ্রান্ত হয় ?

দাসী ।—নানা দিদিঠাকরুণ, আমি বল্চি কি,—এই নিদ্রা দেবীর কাছে  
বাজিয়ে কি ফল ? দেখ, কুমারী জনের পক্ষে যা ছুফর—সেই সব  
নিয়ম উপাসনাদি করে', এতকাল ধরে' তুমি দেবীর আরাধনা  
করলে, তবু তো তিনি তোমার উপর প্রসন্ন হলেন না ।

বিদু ।—ঠনি দেখচি তবে কুমারী ; তবে আমরা দেখি না কেন ?

নায়ক ।—তায় দোষ কি ; কুমারীদেব দেখায় কোন দোষ হতে পারে  
না । কিন্তু যদি আমাদের দেখে, বাল্য-স্মৃতি ভয়ে এখানে আর  
না থাকেন—তাই বল্চি, এই তমালগুন্ডের অন্তরালে থেকেই  
দেখা যাক ।

বিদু ।—আচ্ছা, সেই ভাল ।

উভয়ে ।—( দর্শন )

বিদু ।—( দেখিয়া সবিস্ময়ে ) সখা, দেখ দেখ ; আহা কি চমৎকার !  
শুধু যে ওঁর বীণা শুনে আমাদের শ্রুতি-সুখ হচ্ছে তা নয়, আবার  
ওঁর রূপেতেও আমাদের চক্ষু মুগ্ধ । না জানি ইনি কে ? ইনি দেবী,  
না, নাগকন্যা, না, বিদ্যাধর-ছহিতা, না সিদ্ধকুণ্ড-সম্ভবা ?

নায়ক ।—( সম্পূর্ণভাবে অবলোকন করিয়া ) সখা, ইনি কে, আমরা  
জানিনে বটে, কিন্তু এ কথা আমি বেশ বলতে পারি :—

সুরনারী হন যদি • —নিশ্চয় কৃতার্থ হবে

বাসবের সহস্র লোচন ;

নাগকন্যা হন যদি —রসাতল শশিশূন্য

হইবে গো হেরি' ও-আনন ;

হন যদি বিদ্যাধরী, —আমাদের এই জাতি

হইবে গো সর্ব-জাতিজয়ী ;

হন যদি সিদ্ধ-সুতা।

ত্রিভুবনে সুপ্রসিদ্ধ

হইবে গো সিদ্ধেরা নিশ্চয়ি ॥

বিদু।—(নায়ককে অবলোকন করিয়া সহর্ষে স্বগত) কি সৌভাগ্য !  
অনেক দিনের পর ইনি আজ মন্মথের হাতে পড়েছেন—অথবা এই  
ব্রাহ্মণের হাতে পড়েছেন বল্লেও হয় ।

দাসী।—(প্রণয়-সহকারে) দিদিঠাকরুণ, শোনো বলি, এই নির্দয়ার  
কাছে বাজিয়ে আর কি হবে (বীণা আকর্ষণ)

নায়িকা।—(সরোষে) ওলো ! ভগবতী গৌরীর নিন্দা করিসনে ।  
আজ ভগবতী আমার পরে প্রসন্ন হয়েছেন ।

দাসী।—(সহর্ষে) সত্যি নাকি দিদিঠাকরুণ ? কি হয়েছে বল  
দিকি ।

নায়িকা।—ওলো ! আজ স্বপ্নে এই বীণা বাজাচ্ছি এমন সময়ে, ভগবতী  
গৌরী আমাকে বলেন :—বৎসে মলয়াবতি ! তোমার এই বীণা-  
বাদ্যে দম্বতা দেখে, আর আমার প্রতি তোমার এই বালিকা-জন-  
দ্রুতর আসাধারণ ভক্তি দেখে আমি পরিতুষ্ট হয়েছি । অতএব,  
বর দিচ্ছি, বিদ্যাধর চক্রবর্তী অচিরে তোমার পাণি গ্রহণ করবেন ।

দাসী।—(সহর্ষে) ও যদি হয়, স্বপ্ন কেন বলচ, তোমার হৃদয়ের বরকেই  
তো দেবী তোমাকে দান করেছেন ।

বিদু।—(গুনিয়া) দেখ সখা, দেবীর সহিত সাক্ষাৎ করবার এই ঠিক  
অবসর । তা এসো, আমরা এইবার নিকটে যাই ।

নায়ক।—আমি তো যাচ্চিনে ।

বিদু।—(অনিচ্ছুক নায়ককে বলপূর্বক আকর্ষণ করিয়া ও নিকটে  
গিয়া) কল্যাণ হোক ! চতুরিকা ঠিকই বলেচে ; দেবী বরই দিয়ে-  
ছেন বটে ।

নায়িকা।—(সভয়ে উঠিয়া নায়ককে উদ্দেশ্য করিয়া) ওলো ! ইনি কে ?

দাসী ।—( নায়ককে নিরীক্ষণ করিয়া চুপি চুপি ) এঁর যেরূপ অসাধারণ  
রূপ তাতে মনে হয় ইনিই সেই ভগবতী-দত্ত বর ।

নায়িকা ।—( সম্পূর্ণ ও সলজ্জভাবে নায়ককে অবলোকন )

ওগো তরল-চঞ্চল-আয়ত-লোচনি !

সাম্বস-ভয়-কম্পিত পীন-ঘন-স্তনি !

একে এই তনুখানি তপঃশ্রাস্ত অতি

তাহে পুন কেন ক্লিষ্ট হতেছ এমতি ?

নায়িকা ।—( চুপি চুপি ) ভয়ে আমার বুক কাঁপচে, আমি ওঁর সম্মুখে  
থাক্তে পারছি নে । ( নায়ককে আড় চোখে দেখিয়া একটু মুখ  
ফিরাইয়া অবস্থান )

দাসী ।—ওকি করচ চিদিঠাকরণ ?

নায়িকা ।—ওলো, আমি এঁর সম্মুখে কিছুতেই থাক্তে পারচিনে—আয়  
আমরা এখান থেকে চলে যাই । ( উঠিতে উদ্যত )

বিদু ।—দেখ, উনি ভয় পেয়েচেন ; আমার পঠিত বিদ্যার মত মুহূর্ত  
কাল এঁকে ধরে রাখি ।

নায়ক ।—তায় দোষ কি ?

বিদু ।—এই তপোবনে আপনাদের এ কিরূপ আচার ? একজন  
অতিথি-ব্রাহ্মণের সহিত একটু বাক্য-সম্ভাষণও করলেন না ?

দাসী ।—( নায়িকাকে দেখিয়া স্বগত ) ওঁর দৃষ্টিতে অল্পরাগ প্রকাশ  
পাছে । অজ্ঞা তবে এইরূপ বলি যাক । ( চুপি-চুপি নায়িকার প্রতি )  
দিদিঠাকরণ ! ব্রাহ্মণ ঠিকই বল্চেন, অতিথি-সৎকার করা তোমার  
কর্তব্য । এক জন সম্ভ্রান্ত ব্যক্তি এখানে উপস্থিত, আর তুমি  
কিনা বোকার মত কি করবে ভেবে পাচ্চ না—এটা কি ঠিক হচ্ছে ?  
অজ্ঞা তুমি থাকো, যা করবার আমিই সব করচি । ( নায়কের প্রতি )  
আম্বন মহাশয় ; আসন গ্রহণ করে' এ স্থানটিকে অলঙ্কৃত করুন ।



বিদু।—দেখ সখা ! ইনি বেশ কথা বলছেন । এসো এইখানে বসে  
একটু বিশ্রাম করা যাক ।

নায়ক ।—তুমি ঠিক বলেছ ।

উভয়ে !—( উপবেশন )

নায়িকা ।—( দাসীর প্রতি ) ওলো রজিণি ! ও কাজ করিস্নে বল্চি ।  
যদি কোন তাপস এসে দ্যাখে, তাহালে আমাকে অশিষ্টা বলে' মনে  
করবে ।

• তাপসের প্রবেশ ।

তাপস ।—কুলপতি বিশ্বামিত্র এইরূপ আমাকে আজ্ঞা করলেন, “দেখ  
বৎস শাণ্ডিল্য ! পিতৃ-আজ্ঞায় আজ সিদ্ধ-যুবরাজ মিত্রাবস্তু, নিজ  
ভগিনী মলয়বতীর বর স্থির করবার নিমিত্ত ভাবী বিদ্যাধর চক্রবর্তী  
কুমার জীমূতবাহনকে এই মলয়পর্বতের কোন স্থানে দেখতে  
এসেছেন । তাঁর প্রতীক্ষায় থেকে মলয়বতীরও বোধ হয় মধ্যাহ্ন-  
স্নানের সময় অতীত হয়ে থাকবে ; অতএব, তুমি তাঁকে এইখানে  
ডেকে নিয়ে এসো ।” আমি এখন তবে তপোবনের গৌরী-মন্দিরে  
যাই । ( পরিত্রমণ করিয়া ভূমি নিরীক্ষণ করিয়া সবিস্ময়ে ) এই যে !  
এই ধূম্রিময় ভূমিতে কার না জানি এই চক্র-চিহ্ন যুক্ত পদপংক্তি  
দেখা যাচ্ছে ? ( সন্মুখে জীমূতবাহনকে দেখিয়া ) এই পদচিহ্ন নিশ্চয়  
এই মহাপুরুষেরই হবে ।

উজ্জল উষ্মীষ এঁর শিরে স্তম্ভোভিত ;

ভুরু-মধ্য-স্থলে রোম রহে বিরাজিত ;

রক্তোৎপল সম নেত্র ;

বক্ষস্থল অবিশাল

মুগেন্দ্র-সমান :

আর ওই পদদ্বয়ে

চক্র-চিহ্ন যখন গো

দেখি বিদ্যমান

তখন নিশ্চয় ইনি

বিদ্যাধর-চক্রবর্তী

—করেন বিশ্রাম ॥

না, এতে কোন সন্দেহই নেই, এই সব লক্ষণে মনে হয় ইনিই সেই জীমূতবাহন । ( মলয়বতীকে নিরীক্ষণ করিয়া ) আর, ইনিই সেই রাজপুত্রী । ( উভয়কে অবলোকন করিয়া ) যদি বিধি এঁদের পরস্পরের সহিত মিলন ঘটাতে পারেন, তাহলে এত দিনের পর যোগ্যের সহিত যোগ্যেরই সংযোগ হয় । ( নিকটে গিয়া নায়কের প্রতি ) কল্যাণ হোক !

নায়ক ।—মহর্ষি ! আমি জীমূতবাহন, আপনাকে অভিবাদন করি ।  
( উঠিয়া দাঁড়াইতে উদ্যত )

তাপস ।—না না, আর উঠতে হবে না । দেখুন, অতিথি সকলেরই গুরু, সেই হেতু আপনিই আমাদের পূজ্য । অতএব, কিছুমাত্র কষ্ট করবেন না ; যথাস্থখে অবস্থান করুন ।

নায়িকা ।—মহর্ষি ! প্রণাম ।

তাপস ।—( নায়িকার প্রতি ) বৎসে ! তোমার অনুরূপ পতি হোক ! দেখ, রাজপুত্রী ! কুলপতি বিশ্বামিত্র তোমাকে এই কথা বলেছেন,  
—“মধ্যাহ্ন-স্নানের সময় অতীত হয়ে যাচ্ছে, অতএব তুমি শীঘ্র এসো” ।

মলয়বতী ।—মে আজ্ঞে গুরুদেব । ( স্বগত ) একদিকে গুরুর বচন ; অত্রদিকে প্রিয়জনের দর্শন-স্বর্থ ; যাই কি না যাই—এই দুয়ের মধ্যে কে-যেন আমার হৃদয়কে এখনও দোলাচ্ছে । ( উঠিয়া নিঃশ্বাস ফেলিয়া সামুরাগে নায়ককে দেখিতে দেখিতে তাপসের সহিত প্রস্থান )

নায়ক ।—( উৎকর্ষার সহিত নিঃশ্বাস ফেলিয়া নায়িকাকে দেখিতে দেখিতে )

ঘন-জঘন-মহুর-গামিনী ওই  
 আমা-ছাড়ি করিছেন অত্নত্ন গমন ;  
 যদিও চলিয়া যান আমা হতে দূরে,  
 হৃদয়ে নিহিত আছে ও-চারু চরণ ॥

বিদু।—দেখ সখা, যা দ্রষ্টব্য তাতো আজ দেখলে । এখন আমার  
 জঠরাগ্নি এই মধ্যাহ্ন সূর্য্যের তাপে যেন আরো দ্বিগুণ বেড়ে দাও-দাও  
 ক’রে জলে উঠেচে ; তা, চল এখন যাওয়া যাক । ব্রাহ্মণ-অতিথি হয়ে  
 মুনিজনের কাছ থেকে কন্দ ফলমূল কিছু নিয়ে, কোন প্রকারে  
 এখন শরীর ধারণ করা যাক ।

নায়ক।—( উদ্ধৃদিকে অবলোকন করিয়া ) এই যে ! সূর্য্যদেব নভস্তলের  
 মধ্যস্থলে অধিষ্ঠিত হয়েছেন ; দেখ:—

তাপ-ক্লিষ্ট গজপতি                      কপোল পাণ্ডুর করে

চন্দন ঘর্ষণে ;

নিজ-কর্ণ-তাল-বৃন্তে                      বীজন করিছে বায়ু

আপন আননে ;

শুণু দিয়া জলকণা করি’ বিকীরণ

বিশেষ করিয়া বৃক্ষ করিছে সিঞ্চন ;

নিজ ভক্ষ্য শল্লকীর যে হৃঃসহ দশা

গজেন্দ্রের সেইরূপ হ’ল যে সহসা ॥

( সকলের প্রস্থান )

[ ইতি প্রথম অঙ্ক ]

## দ্বিতীয় অঙ্ক ।

দাসীর প্রবেশ ।

দাসী ।—দিদিঠাকরুণ মলয়বতী আমাকে আজ্ঞা করলেন, :—“ওলো মনোহরিকে ! আমার ভাই আর্থ্যমিত্র এখনও তো এলেন না ; একবার তুই গিয়ে জেনে আয় দিকি তিনি এসেছেন কি না । কে ও' এইদিক পানে তাড়াতাড়ি আস্চে ?—কি ?—চতুরিকা ?

দ্বিতীয় দাসীর প্রবেশ ।

প্রথমা ।—ওলো চতুরিকে ! আমাকে না দেখা দিয়ে তাড়াতাড়ি কোথায় যাওয়া হচ্ছে ?

দ্বিতীয়া ।—ওলো মনোহরিকে ! আমাকে দিদিঠাকরুণ মলয়বতী এই আজ্ঞা করলেন ;—“দেখ্ চতুরিকে ! ফুল তুলে আজ আমি অত্যন্ত শ্রান্ত হয়ে পড়েছি ; তাতে আবার এই শরৎকালের উত্তাপে আরও আমার কষ্ট হচ্ছে । দ্যাখ্, তুই চন্দনের লতা-কুঞ্জে গিয়ে সেধানকার চন্দ্রমণি-শিলাতলটিতে নব-কদলীপত্র বিছিয়ে রাখ্ ।” তা, তাঁর আজ্ঞামত আমি তো সমস্তই করেছি, এখন এই কথা দিদিঠাকরুণকে জানিয়ে আসি ।

প্রথমা ।—জা যদি হয়, তো এখনি গিয়ে তাঁকে জানিয়ে আয় । যেখানে গেলেই তাঁর শরীর ঠাণ্ডা হবে ।•

দ্বিতীয়া ।—( হাসিয়া স্বগত ) এ সে তাপ নয় লো, যে তাতে ঠাণ্ডা হবে । আমার মনে হয়, সেই বিচিত্র-রমণীয় চন্দন-লতা-কুঞ্জটি দেখলে তাঁর তাপ আরও বৃদ্ধি হবে । আচ্ছা তুই তবে যা, আমিও দিদি-ঠাকরুণকে জানিয়ে আসি, মণি-শিলাতলটি প্রস্তুত হয়েছে ।

(প্রস্থান)

( দাসীর সহিত সোৎকণ্ঠা মলয়বতীর প্রবেশ )

মলয়বতী ।—( নিশ্বাস ফেলিয়া স্বগত ) হৃদয় ! তখন সে জনের কথেকে লজ্জাবশে ধীরে ধীরে চলে গিয়ে, আবার তারই কাছে আপ হতেই যে এখন ফিরে এলি । আরে ! তুই কি স্বার্থপর ! ( প্রকাশ্যে ওলো চতুরিকে ! আমাকে ভগবতীর মন্দিরে নিয়ে চল ।

দাসী ।—( স্বগত ) চলেচেন চন্দন-লতা-কুঞ্জের দিকে, অথচ মুখে বলছেন ভগবতীর মন্দির । ( প্রকাশ্যে ) দিদি ঠাকুরণ ! তুমি যে চন্দন-লতা-কুঞ্জের দিকে যাচ্চ ।

নারিক ।—( সলজ্জভাবে ) ওলো ! তুই ঠিক মনে করে দিয়েচিল ।  
আচ্ছা, আয় তবে সেইখানেই যাওয়া যাক ।

দাসী ।—এসো দিদিঠাকুরণ এসো ।

নারিক ।—( অল্প দিকে গমন )

দাসী ।—( পিছনে দেখিয়া উদ্বেগ-সহকারে স্বগত ) ওমা কি হবে, দিদিঠাকুরণ যে বড়ই আনমনা হয়ে পড়েছেন । একি ! সেই দেবী-মন্দিরেই যাচ্ছেন দেখ্চি । ( প্রকাশ্যে ) না না দিদিঠাকুরণ, এই দিকে চন্দন-লতা-কুঞ্জ । এইদিক দিয়ে এসো ।

নারিক ।—( অপ্রতিভ ভাবে ঈষৎ হাসিয়া তথা করণ )

দাসী ।—এই চন্দন-লতা-কুঞ্জ ; এর ভিতরে গিয়ে চন্দ্রমণি-শিলাতলে বসলে তোমার শরীর এখনি জুড়িয়ে যাবে দিদিঠাকুরণ ।

উভয়ে ।—( উপবেশন )

নারিক ।—( নিশ্বাস ফেলিয়া স্বগত ) ভগবন্ কুসুমায়ুধ ! তুমি মুগ্ধ হ'লে সে জনের জন্ত কি না করলে ? আমি অপরাধী হলেও অবলা বলে' আমাকে প্রহার করতে তোমার কি একটু লজ্জা হ'ল না ? ( প্রকাশ্যে ) ওলো ! নিবিড় শাখা পল্লবে আচ্ছন্ন থাকায়, এই চন্দন-

লতা-কুঞ্জে সূর্য্য-কিরণ আসূতে পারচে না বটে, কিন্তু তবু আমার শরীরের তাপ তো এখনও গেল না ।

দাসী ।—তোমার তাপের কারণ কি, আমি তা জানি ; তুমি কি তা বুঝতে-পারচ না দিদিঠাকরুণ ?

নারিক ।—( স্বগত ) এ যে আমার ভাব বুঝতে পেরেচে দেখচি । তবু একবার জিজ্ঞাসা করি । ( প্রকাশ্যে ) ওলো ! কি আমি বুঝতে পারচিনে ? বল্ দেখি তাপের কারণটা কি ?

দাসী ।—এই তোমার সেই স্বপ্নে-পাওয়া বর—

নারিক ।—( সহর্ষে ব্যস্তসমস্ত হইয়া, এবং ছুই তিন পদ অগ্রসর হইয়া )  
কোথায় তিনি ?—কোথায় তিনি ?

দাসী ।—( উঠিয়া মুচ্চিক হাসিয়া ) তিনি আবার কে দিদিঠাকরুণ ?

নারিক ।—( সলজ্জভাবে উপবেশন করিয়া অধোমুখে অবস্থান )

দাসী ।—দিদিঠাকরুণ আমি সেই স্বপ্নের দেবী-দত্ত বরের কথা বল্-  
ছিলেম । তার পরেই দিদিঠাকরুণ তো দেখলেন, কামদেব ফুল-বাগ  
সন্ধান করচেন । সেই কামদেবই তোমার তাপের কারণ । তাই,  
চন্দন-লতাকুঞ্জ স্বভাবতঃ এমন শীতল হয়েও তোমার তাপ দূর করতে  
পারচে না ।

নারিক ।—চতুরিকা, তুই ঠিকই ঠাউরিচিস্নী ওলো, তুই সত্যই চতুরিকা ।

তোর কাছে তবে আর গোপন করে' কি হবে ; তবে শোন্ বলি ।

দাসী ।—ঠাকরুণ বল্বে আর কি, সত্যই বলা হয়েছে । আমিও আর অধিক  
কি বল্বে ; এটমাত্র বল্চি, এখন কেন মিছে কষ্ট পাও, নিশ্চিত হও,  
কোন ভয় নেই । আমি যদি চতুরিকা হই, তাহলে তুমি নিশ্চয়  
জান্বে দিদিঠাকরুণ, তিনিও তোমার অপেক্ষায় আছেন ; তোমাকে  
ছেড়ে এক মুহূর্ত্তও তাঁর মনে স্থখ নেই, এও আমি লক্ষ্য করেচি ।

নারিক ।—( সাক্ষ্যলোচনে ) ওলো ! আমার অদৃষ্টে কেন এরূপ হল ?

দাসী ।—দিদিঠাকরুণ ! ওকথা বোলো না । মধুসূদন কখনও কি লক্ষ্মীকে বক্ষস্থলে না নিয়ে সুখী হতে পারেন ?

নায়িকা ।—দ্যাখ্, সুজন যে হয়, সে প্রিয় বাক্য ছাড়া আর কিছু বলতে জানে না । সখি ! তিনি যে তখন একটি মুখের কথা বলে'ও আমাকে তুষ্ট করলেন না, এতেই আমার আরো কষ্ট হচ্ছে । তাই আমার মনে হয়, তাঁর দয়া-দাক্ষিণ্য কিছুই নেই । ( রোদন )

দাসী ।—দিদিঠাকরুণ, কেঁদো না । ( স্বগত ) অথবা কেনই বা কাঁদবেন না । হৃদয়ের কষ্ট ওঁর ক্রমেই বাড়চে । এখন তবে কি করা যায় । আচ্ছা, এই চন্দন-তরুর লতাপল্লব ওঁর হৃদয়ের উপর রেখে দি । ( প্রকাশ্যে ) বলি শোনো দিদিঠাকরুণ, কেঁদো না । চোখের জল পড়ে' পড়ে' তোমার বুক এমনি গরম হয়ে উঠেছে, যে চন্দন-রস অনবরত পড়ে'ও তার তাপ দূর করতে পারচে না । ( কদলী-পত্র লইয়া বীজ্ঞন )

নায়িকা ।—( হস্তের দ্বারা নিবারণ করিয়া ) সখি ! আমাকে বাতাস কোরো না । এই কদলী-পত্রের বাতাস আমার গরম বোধ হচ্ছে ।

দাসী ।—দিদিঠাকরুণ কদলী-পত্রের দোষ দিও না । চন্দন-পল্লব-স্পর্শে শীতল এমন যে কদলী-পত্র, তাও তোমার নিঃশ্বাসে গরম হয়ে উঠেছে ।

নায়িকা ।—( সাংশ্লোলনে ) সখি ! এই তাপ-শাস্তির কোন উপায় আছে কি ?

দাসী ।—দিদিঠাকরুণ, যদি তিনি আসেন তবেই উপায় হয় ।

( নায়ক ও বিদুষকের প্রবেশ )

নায়ক ।—

যে চাক্র নেত্রের দৃষ্টি

—তপোবনে মূনির সম্মুখে,

আশ্রম-পাদপ-লগ্ন

মৃগচক্ষু বিহরয়ে স্নেহে,

সেই নেত্রে স্নলোচনা দেখিল আমারে যবে

ফিরায়ে আনন,

তথনি আহত আমি ; পুন কেমন পুষ্পধনু !

এ শত্রু বর্ষণ ?

বিদূ।—দেখ সখা ! এখন আর তোমার সেই ধৈর্য্য কোথায় ?

নায়ক।—না সখা, আমার ধৈর্য্য যায়নি, এখনও আমি স্তব্ধ ;

কেননা :—

শশাঙ্ক-ধবলা নিশা

আমি কিগো করিনি যাপন ?

নীলোৎপল-সউরভ

আমি কিগো করিনি গ্রহণ ?

সহ কি করিনি আমি মালতী-কুমুম-গন্ধী

প্রদোষের মূহু সমীরণ ?

অথবা গো সরোবরে নলিনীর দল-মাঝে

গুনি নি কি ভ্রমর-গুঞ্জন ?

বিধুরগণের মাঝে অধীর বলিয়া মোরে

কেন ভবে কর সম্বোধন ?

( চিন্তা করিয়া ) না না, সখা অত্ৰেয় মিথ্যা বলেনি—হাঁ, আমি অধী-  
রই হয়েছি বটে :—

হইয়া গো এবে আমি প্রিয়া-গত প্রাণ

সহিতে না পারিলাম অনন্দের বাণ

তোমারি সম্মুখে ; তবে, কেমনে গো হার

বিধুরের মাঝে বলি ধীর আপনায় ॥



বিদু।—( স্বগত ) ইনি যেরূপ অধীরতা প্রকাশ করচেন তাতে বোঝা যাচ্ছে এঁর হৃদয়ে কি একটা বিষম আবেগ উপস্থিত। আচ্ছা এখন তবে আর কোন বিষয়ে যাতে এঁর মন যায়, তারই চেষ্টা করা যাক। ( প্রকাশ্যে ) আচ্ছা সখা, গুরুজনের গুণাবলি ছেড়ে তুমি লঘু-চিত্তের মত কেন এখানে এলে বল দিকি ?

নায়ক।—সখা ! একথা তুমি জিজ্ঞাসা করতে পার বটে ; আর তোমাকে ছাড়া আর কারেকই বা আমি বলি বল। দেখ, স্বপ্নে দেখলেম, যেন ঐ প্রিয়তমা ( অঙ্গুলী নির্দেশ করিয়া ) এই চন্দন-লতা-কুঞ্জে চন্দ্র-কান্ত-মণি-শিলাতলে মান-ভরে বসে আছেন, আর কাঁদতে কাঁদতে আমাকে যেন তিরস্কার করচেন ; তাই, এখন আমার ইচ্ছা হয়েছে, স্বপ্নে যেখানে প্রিয়তমার সমাগম অনুভব করেছিলাম, সেই রমণীয় চন্দন-লতা-কুঞ্জে এসে দিবসের শেষভাগ বাপন করি। চল তবে এখন সেইখানেই যাওয়া যাক। ( পরিক্রমণ )

দাসী।—( কান পাতিয়া শ্রবণ ও ভয়-ব্যস্ত হইয়া ) দিদিঠাকরুণ ! কার যেন পদশব্দ শুনি।

নায়িকা।—( ভয়-ব্যস্ত হইয়া আপনাকে দর্শন করিতে করিতে ) ওলো ! আমার এইরূপ আকার-প্রকার দেখে, কেউ কিছু মনে সন্দেহ করতে পারে। তা চল, উঠে ঐ রক্তাশোক তরুর আড়াল থেকে দেখা যাক লোকটা কে। ( তথা করণ )

বিদু।—এইতো চন্দন-লতা-গৃহ ; এসো তবে, প্রবেশ করা যাক।

( উভয়ের প্রবেশ )

নায়ক।—

বিনী সেই চন্দ্রানন্দা

চন্দ্রমণি-শিলা-যুতা

এ চন্দন-লতা-গৃহে

নাহি কোন স্মৃতি।

যেমন গো রজনীর

কিছুই লাগেনা ভাল

না হেরিলে প্রিয়তমা

চন্দ্রিকার মুখ ॥

দাসী ।—( দেখিয়া ) দিদি ঠাকরণ, একটা স্নসংবাদ দি ; আর কেউ নয়, তোমার সেই হৃদয়-বল্লভ !

নাগিকা ।—( দেখিয়া হর্ষ ও সাধ্বস-সহকারে ) ওলো ! আমার বুক যেন কাঁপচে, আমি এখানে আর থাকতে পারচিনে—হয়তো আমাকে উনি দেখেচেন । আর তবে আমরা অগ্রত্ৰ যাই । ( উৎকর্ষা-সহকারে এক পদ গমন করিয়া ) ওলো ! আমার বুক কেমন ধড়াস্ ধড়াস্ করচে ।

দাসী ।—(হাসিয়া) অত কাতর হচ্চ কেন ?—এখানে থাকলে তোমাকে কে দেখতে পাবে ?—না না, তোমার ঐ রক্তাশোক তরুটিকে তুমি ভুলে গেছ দেখ্‌চি, এসো দিদিঠাকরণ আমরা এখানে গিয়ে বসি । ( তথা করণ )

বিদু ।—( নিরীক্ষণ করিয়া ) দেখ সখা ! এই সেই চন্দ্রমণি-শিলা ।

নাগক ।—( সাক্ষ্যলোচনে নিঃশ্বাস ত্যাগ )

দাসী ।—দিদিঠাকরণ ! কি একটা স্বপ্ন দেখার কথা হচ্ছে—তা এসো আমরা মন দিয়ে শুনি ।

উভয়ে ।—( শ্রবণ )

বিদু ।—( হস্তের দ্বারা ঠেলিয়া ) সখা ! আমি বল্‌চি কি, এই সেই চন্দ্রমণি-শিলা ।

নাগক ।—( সাক্ষ্যলোচনে নিঃশ্বাস ফেলিয়া ) তুমি ঠিকই লক্ষ্য করেছ ।

( হস্তের দ্বারা নির্দেশ করিয়া ) এই সেই :—

চন্দ্রমণি-শিলা, যেখানে

প্রিয়া মোর পাণ্ডুর-আননা,

বিলম্ব দেখিয়া মোর,

মান-ভরে হয়ে শিলাসনা,

বাম-গণ্ডে রাখি' নিজ

সুকোমল কিসলয়-কর

সঘনে নিঃশ্বাস ফেলি'

—বিস্মুরিত জীবৎ অধর—

প্রকাশিয়া মনোভাব

ফেলিলেন অশ্রু নিরন্তর ॥

অতএব, এই চন্দ্রমণি-শিলাতলেই এসো আমরা বসি ।

( উভয়ে উপবেশন )

নারিক।—( চিন্তা করিয়া ) কাকে মনে করে' না জানি এসব কথা

বল্‌চেন—কে সে ?

দাসী।—দিদিঠাকরণ ! আমরা এখন আড়ালে আছি, এখান থেকে

ওঁকে দেখা যাক—আর এখানে থাকলে তোমাকেও উনি দেখতে

পাবেন না ।

নারিক।—এ বেশ কথা । কোন প্রণয়-কুপিত প্রিয়জনের উদ্দেশে উনি

কি বল্‌চেন ?

দাসী।—দিদিঠাকরণ ! ওরূপ কোন আশঙ্কা কোরোনা—আচ্ছা,

আবার শোনা যাক ।

বিদু।—( স্বগত ) এই কথাই দেখি'চি ওঁর ভাল লাগচে ; আচ্ছা, এই

রকম কথাই তবে কওয়া যাক । ( প্রকাশ্যে ) তার পর, তাঁকে

কীদূত্রে দেখে তুমি তাঁকে কি বনে ?

নারিক।—সখা ! আমি তাঁকে এই কথা বল্‌বোঁ :—

চন্দ্রকাস্ত-শিলা এই অশ্রুভে সিঞ্চিত ;

তব মুখ চন্দ্রোদয়ে হ'ল বিগলিত ॥

নারিক।—( সরোষে ) এর পর, আর কিছুকি শোনবার আছে ? এসো  
আমরা এখান থেকে চলে গিয়ে আর কোথাও যাই ।

দাসী।—( হস্ত ধারণ করিয়া ) দিদিঠাকরণ ! ও কথা বোলো না ।  
তোমাকেই উনি স্বপ্নে দেখেছেন ; ওঁর দৃষ্টি আর কারও পরে  
পড়েনি ।

নারিক।—না লো , আমার ওতে প্রত্যয় হচ্ছে না—আচ্ছা , কথার  
শেষ পর্য্যন্ত অপেক্ষা করা যাক ।

নায়ক।—দেখ সখা ! এই শিলার উপর তার চিত্র এঁকে কোন প্রকারে  
আত্মবিনোদন করা যাক । দেখ, এই গিরি-তট হতে কতকগুলি  
মনঃশিলা-ধাতুখণ্ড নিয়ে এসো দিকি ।

বিদু।—আচ্ছা, বেশ । ( পরিক্রমণ ও মনঃশিলা লইয়া নিকটে আগমন )  
দেখ সখা ! তুমি আমাকে একটা রং আনতে বলেছিলে, আমি দেখ  
পাঁচ রকম রং এনেছি—এই নেও, ছবি আঁকো । ( মনঃশিলাদি  
অর্পণ )

ঐ বিশ্বাধরের যে

অক্ষুণ্ণ পরিপূর্ণ শোভা,

নয়ন-আনন্দদায়ী

প্রিয়ার যে মুখ-চন্দ্র-প্রভা

—তারি এই রেখা মাত্র প্রথম দর্শনে

কি এক অপূর্ণ স্মৃতি ভনমে গো মনে ॥

( চিত্রকরণ )

বিদু।—( কৌতুক-সহকারে নিরীক্ষণ করিয়া ) তিনি চোখের সামনে  
নেই, অথচ তাঁর ছবি আঁকা হচ্ছে—ওঃ কি আশ্চর্য্য !

নায়ক।— স্থাপিত সম্মুখ প্রিয়া কলপনা-পটে  
—মনে হয়, ঠিক যেন আছেন নিকটে ।

সেই মূর্তি দেখি-দেখি, যদি লিখি চিত্র  
তাহাতে বিস্ময় কিবা—কি তাহে বিচিত্র ?

নায়িকা ।—(সাম্ভ্রলোচনে) চতুরিকে ! কথার শেষটা তো জানা গেল ;

এখন, চল্ যাই মিত্রাবসুর সঙ্গে দেখা করিগে ।

দাসী ।—(সবিষাদে স্বগত) এঁর কথায় যেন একটা উদাসভাব দেখা  
যাচ্ছে, মনে হচ্ছে যেন ওঁর জীবনে আর মায়া নেই । (প্রকাশে)  
দিদিঠাকরুণ ! মনোহরিকা তো সেইখানেই গেছে, প্রভু মিত্রাবসুও  
হয় তো এইখানেই আসবেন ।

### মিত্রাবসুর প্রবেশ ।

মিত্রা ।—পিতা এইরূপ আমাকে আজ্ঞা করেছিলেন যে “দেখ বৎস  
মিত্রাবসু ! জীমূতবাহন আমাদের নিকটে থাকায়, আমরা তাকে  
ভাল করে পরীক্ষা করেছি ; তার চেয়ে যোগ্য বর আর কোথায়  
পাওয়া যাবে ; অতএব তাকেই বৎসা মলয়বতীকে সম্প্রদান কর ।”  
আমিও এখন স্নেহ-পরবশ হয়ে কি এক অভূতপূর্ব অবস্থান্তর  
অনুভব করছি । তাছাড়া :—

যিনি বিদ্যাধর-কূলে তিলকের সম ;

প্রাজ্ঞ, সাধুজন-প্রিয়, রূপে অতুলন ;

বিনীত, বিদ্বান যুবা, মহা-পরাক্রম ;

প্রাণী-রক্ষা-তরে যিনি নিজ প্রাণ ত্যজিবারে

সমুদ্যত করুণার বশে ;

তাঁরে করিতে গোলুদান ভঙ্গিমীরে, হইবাছি

অভিভূত বিষাদ হ্রসবে ॥

আর এ কথাও শুনেছি যে, জীমূতবাহন গৌরী-অশ্রম-সংলগ্ন চন্দন-

লতাগৃহে এখন রয়েছেন । এই তো চন্দন-লতাগৃহ । এইবার তবে প্রবেশ করা যাক্ । ( প্রবেশ )

বিদু ।—( সভয়ে অবলোকন করিয়া ) দেখ সখা ! এই কদলীপত্র দিয়ে এই চিত্রিত কন্যাটিকে ঢেকে রাখো ; সেই সিদ্ধ-যুবরাজ মিত্রাবসু এইখানে এসেছেন ; কি জানি, যদি দেখে ফেলেন ।

নায়ক ।—( কদলীপত্রে চিত্র আচ্ছাদন )

মিত্রা ।—( প্রবেশ করিয়া ) কুমার ! আমি মিত্রাবসু, প্রণাম করি ।

নায়ক ।—( দেখিয়া ) মিত্রাবসু ?—এসো এসো ; এইখানে এসো ।

দাসী ।—দিদিঠাকরুণ ! আমাদের প্রভু মিত্রাবসু এসেছেন ।

নায়িকা ।—ওলো ! আমার কি সৌভাগ্য !

নায়ক ।—মিত্রাবসু ! সিদ্ধরাজ বিশ্বাবসু ভাল আছেন ?

মিত্রা ।—ভাল আছেন বৈকি, তাঁর বক্তব্য কথা নিয়ে আমি আপনার নিকট এসেছি ।

নায়ক ।—তিনি কি কি বলে' পাঠিয়েছেন ?

নায়িকা ।—শোনা যাক্ কি বলেন । পিতা কি তাঁর কুশল-সংবাদ বলে' পাঠিয়েছেন ?

মিত্রা ।—( সাক্ষরলোচনে ) তিনি এই কথা তাঁর হয়ে আমাকে বলতে বলেছেন :—“দেখ বৎস ! মলয়বতী নামে আমার একটি কন্যা আছে, সে এই সিদ্ধরাজ-বংশের জীবন-স্বরূপ ; তাকেই আমি তোমার হস্তে সমর্পণ করছি, গ্রহণ কর ।”

দাসী ।—( হাসিয়া ) দিদিঠাকরুণ ! এখন যে বড় রাগ কচ্চ না ?

নায়িকা ।—( সস্তিত ও সলজ্জভাবে অধোমুখী হটয়া অবস্থান ) ওলো ! হাসিনে ; তুই ঝি ভুলে গিয়েছিলি, ওঁর হৃদয় এখন অশ্রু জনে আসক্ত ?

নায়ক ।—( চুপি চুপি ) সখা ! বড়ু যে সন্ধটে গড়া গেল ।

বিদু ।—( চুপি চুপি ) এই কন্যা ছাড়া তোমার আর কোথাও মন নেই আমি জানি ; এখন তবে যা-তা বলে' ওঁকে বিদায় করে' দাও ।

নারিক ।—( সরোষে স্বগত ) হতভাগ্য ! কেই বা 'এ কথা না জানে ।

নায়ক ।—একুপ শ্লাঘা সম্বন্ধ আপনাদের সহিত বন্ধন করতে কার না ইচ্ছা হয় ? কিন্তু, যে চিত্ত এক দিকে গেছে, তাকে অল্পদিকে কি করে' আবার নিয়ে যাই বলুন ?—তাতো আমি পারিচি নে ; তাই, আমি তাঁকে গ্রহণ করতে সাহসী হচ্ছি নে ।

নারিক ।—( মূর্ছিত )

দাসী ।—দিদিঠাকরুণ, ওঠো, ওঠো ।

বিদু ।—দেখুন, ইনি পরাধীন ; এঁর কাছে প্রার্থনা করে' কি হবে ? এঁর গুরুজনের নিকটে গিয়ে প্রার্থনা করুন ।

মিত্রা ।—( স্বগত ) বেশ কথা বলেছে । ইনি গুরুজনের কথা লঙ্ঘন করেন না ; তা, এঁর পিতাও এই গৌরী আশ্রমে বাস করেন ; সেইখানে গিয়ে এঁর পিতাকে অনুরোধ করি যে তিনি যেন এই কস্তার পাণিগ্রহণ কবতে এঁকে অনুমতি করেন ।

নারিক ।—( সংজ্ঞালাভ )

মিত্রা ।—আপাদের ছায় প্রার্থনাকারীদের কিরূপে পরিহার করতে হয় কুমার তা বিলক্ষণ জানেন দেখ'ছি ।

নারিক ।—( সরোষে হাসিয়া ) কি ?—একুপ প্রত্যাখ্যানেও লঘুচিত্ত মিত্রাবস্তু আবার কথা কছে ?

মিত্রাবস্তুর প্রস্থান ।

নারিক ।—( আপনাকে দেখিতে দেখিতে স্বগত ) এই দৌৰ্ভাগ্য-মলিন হৃৎকমর শরীর ধারণ করে' আর কি হবে ? তা, এইখানেই অশোকতরুতে "মাগতী-লতা-পার্শ্বে উষ্মক্কে" আশ্রয়ত্যা করি ।

হাঁ, সেই ভাল । ( অপ্রতিভভাবে ঈষৎ হাসিয়া ) ওলো ! দাখ্-  
দিকি মিত্রাবস্তু গেছে কি না, তাহলে আমিও এখান থেকে যাই ।

দাসী ।—( কয়েক পদ অগ্রসর হইয়া স্বগত ) ওঁর মনের ভাব অল্প রকম  
দেখিচি ; না, আমি আর যাব না । এইখানে লুকিয়ে থেকে দেখি  
উনি কি করেন ।

নায়িকা ।—( চারিদিক অবলোকন করিয়া লতা-পাশ লইয়া সাক্ষ-  
লোচনে ) ভগবতি গৌরি ! তুমি এখানে তো কিছুই করলে না ;  
তা, জন্মান্তরে যাতে আমাকে এরূপ দুঃখভোগ করিতে না হয়,  
আমার পরে সেই অমুগ্রহ কোরো । ( কণ্ঠে পাশ অর্পণ )

দাসী ।—( দেখিয়া ভয়-বাস্ত হইয়া নিকটে আগমন ) মহাশয় ! রক্ষা  
করুন, রক্ষা করুন, আমার দিদিঠাকরুণ আত্মহত্যা করছেন ।

নায়ক ।—( ত্রস্তবাস্ত ভাবে নিকটে আসিয়া ) কোথায় তিনি ?—  
কোথায় তিনি ?

দাসী ।—এই অশোক-তরুর তলায় ।

নায়ক ।—( সহর্ষে অবলোকন করিয়া ) ইনিই তো সেই আমার মানস-  
প্রতিমা । ( নায়িকার হাত ধরিয়া লতাপাশ দূরে নিঃক্ষেপ )  
কোরো না, কোরো না বালা

এ দুঃসাহস—নহেক উচিত ;

কিসলয়-কর তব

লতা হতে কর অপনীত ।

যে হস্ত অসমর্থ

—এমন কি—কুহুম চরনে

—উদ্বন্ধন-তরে তাহা

লতা-পাশ রচিবে কেমনে ॥

নায়িকা ।—( সাধ্বল-সহকারে ) ওলো ! এ আবার কে ? আমার হাত



ছাড়ো, হাত ছাড়ো ; তুমি আমাকে নিবারণ করবার কে ? মরণেও  
কি তুমি প্রার্থনীয় ?

নায়ক ।—

হার-লতা-যোগ্য কঠে                      যে হস্তে করেছ তুমি

পাশ অরপণ

সেই অপরাধী হস্ত                      হইয়াছে ধৃত, কেন

করিব মোচন ?

বিদু ।—ওগো ! এঁর আত্মহত্যা করবার কারণটা কি ?

দাসী ।—তোমার প্রিয়সখাই এর কারণ ।

নায়ক ।—কি ? আমিই এঁর কারণ ?—আমি তো কিছুই জানিনে ।

বিদু ।—ও গো ! সে কিরূপ বল দিকি ।

দাসী ।—তোমার প্রিয়সখা তাঁর কোন প্রেয়সীকে ঐ শিলাতলে চিত্র করেন, আর সেই চিত্রিত কণ্ঠার পরে তাঁর এত দূর টান দেখা গেল যে যখন মিত্রাবস্তু এঁর পাণিগ্রহণের প্রস্তাব করলেন, তখন উনি তাতে সম্মত হলেন না । তাই; হতাশ হয়েই উনি এইরূপ আত্ম-হত্যার চেষ্টা করছিলেন ।

নায়ক ।—(সহর্ষে স্বগত ) কি ?—ইনিই সেই বিশ্বাবস্তুর হুহিতা মলয়-বতী ? তাই সম্ভব, কেননা রত্নাকর ছাড়া চন্দ্রলেখার আর কোঁথায় উৎপত্তি হতে পারে ? হা ! আমি কি না শেষে এঁ-হতে বঞ্চিত হলেম ?

বিদু ।—ওগো ! তা যদি হয় তাহলে আমার প্রিয়সখা অনপরাধী ; আমার কথায় যদি প্রত্যয় না হয়, তুমি নিজে বরং শিলাতলে গিয়ে একবার দেখে এসো ।

নায়িকা ।—(সহর্ষে, সলজ্জভাবে নায়ককে দেখিতে দেখিতে নায়ক কর্তৃক হস্ত আকর্ষণ )

নাগক ।—( সন্মিত ) শিলাতলে-চিত্রিত আমার প্রেয়সীকে যতক্ষণ না তুমি দেখবে ততক্ষণ আমি তোমার হাত ছাড়ব না । ( সকলের পরিক্রমণ )

বিদু ।—( কদলীপত্র সরাইয়া ) ওগো ! দেখ দেখ, এই ঐর প্রেয়সী ।

নাগিকা ।—( নিরীক্ষণ করিয়া সন্মিতভাবে চুপি-চুপি ) চতুরিকা, এ যে আমাকেই চিত্র করেছেন ।

দাসী ।—( চিত্রাকৃতি নিরীক্ষণ করিয়া ) দিদিঠাকরুণ ! কি বল্লে, তোমারই চিত্র ?—শুধু তা নয়, এমন সৌসাদৃশ্য যে, দেখলে বোঝা যায় না যে তোমার প্রতিবিম্ব শিলাতলে পড়েছে, না তোমাকে কেউ চিত্র করেছে ।

নাগিকা ।—( হাসিয়া ) আমাকে চিত্রেতে দেখিয়ে উনি যে আমাকে হৃশচরিত্র জীলোকদের সামিল করে' তুলেচেন ।

বিদু ।—এখন আপনার গান্ধর্ববিবাহ হয়ে গেল । এখন তবে ঐর হাত ছাড়ুন । কে এক জন জীলোক তাড়াতাড়ি এই দিকে আস্চে ।

নাগক ।—( হস্ত মোচন )

### দাসীর প্রবেশ ৬

দাসী ।—( সহর্ষে ) দিদিঠাকরুণ, একটা সু-সংবাদ বলি, প্রভু জীমূত-বাহনের পিতা এই বিবাহে মত দিয়েছেন ।

বিদু ।—( নৃত্য করিতে করিতে ) হি হি হি হি ! ওগো ! তবে তো এখন প্রিয়সখার মনোবাঞ্ছা পূর্ণ হ'ল । না না, দেবী মলয়বতীরও নয়, এ দুঃখনের কারই নয়—( ভোজন অভিনয় করিয়া ) এ কেবল এই ব্রাহ্মণেরই মনোবাঞ্ছা পূর্ণ হ'ল ।

দাসী ।—( নাগিকার প্রতি ) যুবরাজ মিথ্যাবস্তু আমাকে এইরূপ আশা

করলেন যে, “আজই মলয়বতীর বিবাহ হবে, অতএব শীঘ্র গিয়ে তাকে নিয়ে এসো” । তা, চল এখন যাওয়া যাক্ ।

বিদু।—ঐ দাসী-বেটা তো ওকে নিয়ে চলে গেল ; এখন সন্ধ্যা কি এই খানেই থাকা হবে ?

দাসী।—বলি অত ব্যস্ত হোয়োনা, তোমাদেরও স্নানের সামগ্রী এল বলে’ ।  
নায়িকা।—( সাহুরাগে সলজ্জভাবে নায়িকাকে দেখিতে দেখিতে পরি-  
জনৈব সহিত প্রস্থান )

লভিল মলয়-গিরি                      মেরুর সমান দ্যুতি

আবীরে আবীরে ;

সিন্দূর হইয়া ধূলি                      প্রাতঃকাল সন্ধ্যা-শোভা

ধরিল অচিরে ।

রক্তমণি নুপুরের                      রুম্ম-রুম্ম ধ্বনি-সহ

উচ্চৈঃস্বরে গাহে গান

যতেক অঙ্গনা ;

তব বাঞ্ছা সিদ্ধ করি’—সিদ্ধ-লোক ওই দেখ

বিবাহের স্নান-বেলা

করিছে ঘোষণা ॥

বিদু।—( শুনিয়া ) দেখ সখা ! একটা সূখবর দি ; স্নানের সামগ্রী সব এসেছে ।

নারক।—( সহর্ষে ) তা যদি হয়, তাহলে এখানে থেকে আর কি হবে ? চল, পিতাকে প্রণাম কবে’ স্নান-ভূমিতেই যাওয়া যাক্ ।

(সকলের প্রস্থান)

ইতি দ্বিতীয় অঙ্ক ৫৫

তৃতীয় অঙ্ক ।

মত্ত বিচিত্র বিহ্বল-বেশে চষক হস্তে দাসের সহিত  
বিটের প্রবেশ ।

বিট ।— নিত্য যোগে পিয়ে সুরা,            আর প্রিয়জন-সহ  
করয়ে সঙ্গম

সেই দেব বলদেব                      আর সেই কামদেব  
ইহারা দুজন ॥

(ছুরিয়া) বঙ্গে যার প্রিয়তমা                      মুখে বিরাজিত যার  
পদ্ম-গন্ধী সুরা ;

নিত্য সজ্জী দাসী বার,            শিরোদেশে ধরে যেগো  
 মালা-পুষ্প-চূড়া,

আমি সেই “শেখরক”— আমার জীবন সফল হোক!

(পদস্বলন) আরে! কে আমাকে ঠ্যাংলে? নিশ্চয় নবমালিকা  
আমার সঙ্গে পরিহাস করচে।

দাস ।—কর্ত্তা ! সে তো এখনও এখানে আসিচে না । •

বিট।—(সরোষে) প্রথম প্রহরেই তো মলয়বতীর বিবাহ-কার্য শেষ হয়ে গেছে। এখন প্রভাত হচ্ছ, তবু কেন সে আসূচে না? অথবা বিবাহ-মহোৎসবে, আপনার প্রণয়িনি-জনকে নিয়ে সিদ্ধ-বিদ্যাধরেরা কুসুমাকর-উদ্যানে হরতো সুরা-সুখ সন্তোগ করচে; আমার বোধ হয়, সেই খানেই নবমালিকা আমার জন্ত প্রতীক্ষা করচে। সেই খানেই তবে ঘাই, নবমালিকা-বিনী শেখরকই বা কিরূপ?

(পদাঙ্কন-সহকারে গ্রন্থান)

দাস —এই দিক দিয়ে কর্তা এই দিক দিয়ে । এই কুসুমাকর-উদ্যান ।  
ভিতরে চলুন কর্তা ।

### (উভয়ের প্রবেশ)

বজ্র-যুগল ক্ষণে লইয়া বিদূষকের প্রবেশ ।

বিদু।—প্রিয়সখার মনোবাঞ্ছা তো পূর্ণ হল । আর গুনলেম নাকি  
প্রিয়সখাও আজ কুসুমাকর-উদ্যানে যাবেন । তবে আমিও সেই  
খানে যাই । ( পরিক্রমণ ও অবলোকন করিয়া ) এই তো  
কুসুমাকর-উদ্যান—প্রবেশ করা যাক ।

আরে ছুঁ মধুকরেরা, তোরা আবার আমাকে কেন আক্রমণ করিস ?  
ও, বুঝছি । আমি জামাতার বয়স্ত্র বলে', মলয়বতীর আত্মীয়েরা আদর  
করে' আমাকে রং দিয়ে চিত্রিত করেছে ; আর, “সন্তান”ও “শেখর”—পুষ্প  
আমার মাথায় বেঁধে দিয়েছে ; তাই মধুকরেরা ঝাঁকে ঝাঁকে আমার কাছে  
আসুচে । এই অতি-আদরই যত অনর্থের মূল । এখানে এখন করি কি ?  
অথবা এই যে এক জোড়া রক্তবজ্র মলয়বতীর কাছ থেকে পেয়েছি  
এতে স্ত্রীবেশ করে', আর উত্তরীয়ের ঘোমটা পরে' এখন যাওয়া যাক ।  
দেখা যাক মধুকর ব্যাটার কি করে !

বিট।—( নিরীক্ষণ করিয়া সহর্ষে ) ওরে দাস ! ( অঙ্গুলী নির্দেশ  
করিয়া হাসিয়া ) ঐ দ্যাখ, নবমালিকা এসেছে । আমার আসুতে  
দেরি হয়েছে বলে', আমাকে দেখে মান করে' ঘোমটা দিয়ে অল্প দিকে  
কোথায় চলেচে দেখনা । তা ওর গলা জড়িয়ে ধরে' একবার সাধি ।  
(সহসা নিকটে গিয়া কণ্ঠ ধরিয়া মুখে তাড়ুল দিতে উদাত )

বিদু।—( মদ্য-গন্ধের সূচনার নিজ নাসিকা টিপিয়া ধরিয়া মুখ ফিরাইয়া  
অবস্থান ) কি আপদ ! সেই মধুকরদের হাত এড়িয়ে আবার এই  
ছুঁ মধুকরদের মুখে এসে পড়লেম'বে !

বিট ।—কি ?—মান করে' মুখ ফিরিয়ে দাঁড়াল ? ( প্রণাম করত  
বিদুষকের চরণে মাথা রাখিয়া ) প্রসন্ন হও নবমালিকে প্রসন্ন  
হও !

### দাসীর প্রবেশ ।

দাসী ।—দিদি ঠাকুরের আমাকে এই আজ্ঞা করলেন :—“দেখ নবমা-  
লিকে, কুসুমাকর-উদ্যানে গিয়ে মালিনী “পল্লবিকা”কে বল, যেন সে  
আজ তমাল-বীথিকাটি বিশেষ করে' সজ্জিত করে' রাখে । মলয়বতীর  
সহিত জামাতার সেখানে যাবার কথা আছে” । আমিও পল্লবিকাকে  
সেই আজ্ঞা শুনিয়া দিলেম । এখন তবে প্রিয়সখা শেখরককে  
অন্বেষণ করি—সে নিশ্চয় রাত্রে আমার বিরহে উৎকণ্ঠিত হয়ে  
আছে । ( দেখিয়া ) এই যে শেখরক । এ কি ! একজন অপর  
জ্বীলোককে সাধে দেখছি । আচ্ছা তবে এইখানে দাঁড়িয়ে দেখা  
যাক জ্বীলোকটি কে ।

বিদু ।—আরে বেটা মাতাল ছোঁড়া ! এখানে নবমালিকা কোথায় ?

দাসী ।—( নিরীক্ষণ করিয়া সম্মিত ) শেখরক মদের ঘোরে আমাকে মনে  
করে' অত্রেয় ঠাকুরকে সাধাসাধি করচে দেখছি । আচ্ছা, আমি  
মিথ্যা রাগ দেখিয়ে দুজনের সঙ্গেই তবে একটু মজা করি ।

দাস ।—( দাসীকে দেখিয়া শেখরককে ঠেলিতে ঠেলিতে ) ও কর্তা !  
ওকে ছেড়ে দেও । ও নবমালিকা নয় । দেখুন একজন জ্বীলোক  
চক্ষু রক্তবর্ণ করে' এখানে এসে উপস্থিত ।

দাসী ।—( নিকটে গিয়া ) শেখরক ! কাকে তুমি সাধাসাধি করচ ?

বিদু ।—( অবগুষ্ঠন নাটাইয়া ) ওগো ! আমি একজন হতভাগ্য  
ব্রাহ্মণ ।

বিট ।—( বিদুষককে নিরীক্ষণ করিয়া ) আরে কপিল মর্কট ! তুমি

শেখরককে প্রতারণা করচিল ? ওরে দাস ! একে ধরে রাখ্ ।

আমি ততক্ষণ নবমালিকাকে প্রসন্ন করি ।

দাস ।—যে আজ্ঞে কর্ত্তা ।

বিট ।—( বিদূষককে ছাড়িয়া দাসীর পদতলে পতন ) প্রসন্ন হও নবমা-  
লিকে, আমার প্রতি প্রসন্ন হও ।

বিদু ।—( স্বগত ) এই ফাঁকতালে আমি পালাই । ( পলায়নে উদাত )

দাস ।—( যজ্ঞোপবীত ধরিয়া বিদূষককে ধারণ—যজ্ঞোপবীত ছি ডিয়া  
যাওন ) আরে ! কপিল মৰ্কট তুই কোথায় পালাসু ? ( গলায়  
চাদর বাঁধিয়া আকর্ষণ )

বিদু ।—ওগো নবমালিকে ! অল্পগ্রহ করে' আমাকে ছাড়িয়ে  
দেও ।

দাসী ।—( উচ্চৈশ্বরে হাসিয়া ) যদি ভূমিষ্ঠ হয়ে আমার পায়ে মাথা  
নোয়াও, তাহলে ছাড়িয়ে দি ।

বিদু ।—( সরোমে কাঁপিতে কাঁপিতে ) কি আশ্চর্য্য গন্ধর্ব্ব-রাজের মিত্র  
আমি ব্রাহ্মণ—আমি কি না দাসীবেটীর পায়ে পড়ব ?

দাসী ।—( অঙ্গুলী নির্দেশে শাসাইয়া সম্মিত ) হাঁ, আমি পায়ে পড়িয়ে  
তবে ছাড়ব । শেখরক ! ওঠো ( কণ্ঠ ধারণ ) তোমার উপরে  
আমার আর রাগ নেই । দেখ তুমি জামায়ের প্রিয়সথাকে নাকাল  
করেছ এ কথা শুনলে প্রভু মিত্রাবস্থ রাগ করতে পারেন । তাই  
বল্ছি এঁকে একটু আদর সম্মান কর

বিট ।—নব মালিকার আজ্ঞা শিরোধার্য্য । ( বিদূষকের গলা জড়াইয়া  
ধরিয়া ) ঠাকুর ! তোমাকে সম্বন্ধী ঠাউরে আমি সত্যই কি  
তোমার সঙ্গে পরিহাস করেছি ?—কি পরিহাস করেছি বল  
দিকি ?—এইখানে বোসো সম্বন্ধী ।

বিদু ।—( স্বগত ) ভাগ্যি এখন এর মেশাটা ছুটে গেছে । ( উপবেশন )

বিট ।—নবমালিকে ! এঁর পাশে তুমিও বোসো, এসো আমরা দুজনে  
মিলে এঁর আদর সন্মান করি ।

বিট ।—( চষক আনিয়া ) ওরোঁ দাস ! এই পাত্রটা ভরপুর করে' সুরা  
চাল্ দিকি ।

দাস ।—( তথা করণ )

বিট ।—( নিজ মাল্য-শিরোভূষণ হইতে কতকগুলি পুষ্প লইয়া চষকে  
অর্পণ ও নবমালিকার নিকটে জ্ঞানু পাতিয়া উপবেশন ) নবমালিকে !  
এটি তুমি আশ্বাদ করে ওঁকে দেও ।

দাসী ।—( সস্মিত ) অচ্ছা শেখরক । ( তথা করিয়া বিটকে অর্পণ )

বিট ।—( বিদূষককে চষক অর্পণ ) দেখ এই চষকের সুরা নব মালিকার  
মুখ-সংসর্গে বিশেষরূপে সুবাসিত হয়েছে—দেখ, শেখরক ছাড়া  
ইতিপূর্বে আর কেহই এরূপ সুরা আশ্বাদ করে নি । অতএব পান  
কর । এর পর তোমার আর কি সন্মান করব বল ?

বিদু ।—( অপ্রতিভ হাসি হাসিয়া ) দেখ শেখরক, আমি ব্রাহ্মণ ।

বিট ।—যদি তুমি ব্রাহ্মণ হও, তা হলে তোমার পৈতে কোথায় ?

বিদু ।—ঐ দাস পৈতেটা টেনে ছিঁড়ে দিয়েচে ।

দাসী ।—( উচ্চ হাসিয়া ) তাই যেন হল, আচ্ছা ছুচারটে বেদ-মন্ত্র বল  
দিকি ।

বিদু ।—এই সুরা গন্ধে বেদ-মন্ত্র কি তিষ্ঠিতে পারে ?—না না তোমার  
সঙ্গে বিবাদ করে' আর কি হবে—এই ব্রাহ্মণ তোমার পায়ে  
পড়চে । ( পায়ে পড়িতে উদ্যত )

দাসী ।—( হস্তের দ্বারা নিবারণ করিয়া ) না না ঠাকুর ওকাজ কোরো  
না । শেখরক ! সরে যাও সরে যাও, ইনি সত্যিই ব্রাহ্মণ ( বিদূষকের  
পদতলে পতন ) ঠাকুর ! রাগ কোরো না ; সম্বন্ধী বোলেই এরূপ  
পরিহাস করেছিলেম ।



বিট।—আমিও ওঁকে একটু প্রসন্ন করি। (পায়ে পড়িয়া) ঠাকুর  
মাপ কর। দেখ, আমি মদের বোঁকে অপরাধ করেছি। এখন  
আমি নবমালিকার সঙ্গে মদের আড্ডায় চলেম।

বিদু।—আচ্ছা আমি মাপ করলেম। তোমরা ছুজনে যাও। আমিও  
প্রিয়সখার সহিত সাক্ষাৎ করিগে।

( দাসীর সহিত বিট ও দাসের প্রস্থান )

বিদু।—ব্রাহ্মণের অকাল-মৃত্যুর ফাঁড়াটা তো এক রকম কেটে গেল।  
কিন্তু আমি মাতাল ছোঁড়াটার সংসর্গ ও স্পর্শ-দোষে দূষিত—আমি  
এখন তবে এই দিঘিতে স্নান করে শুদ্ধ হই। এই যে, হরি-  
কৃষ্ণিণীর মত আমার প্রিয়সখাও দেখছি মলয়বতীর হাত ধরে’  
এইদিকে আসুচেন। তবে এখন ওঁর কাছেই বাই।

বেশ-ভূষায় সুসজ্জিতা মলয়বতীকে লইয়া পরি-  
জন-সহ নায়কের প্রবেশ।

নায়ক।—( মলয়বতীকে অবলোকন করিতে করিতে সহর্ষে )

তাকাইলে মুখ-পানে

অধোদিকে করে দৃষ্টিপাত ;

সম্ভাষণ করিলেও

নাহি কথা কহে মোর সাথ ;

সখী-পরিবৃত হয়ে

শয্যা-পরে থাকে জড়সড় ;

বলে আলিঙ্গিলে তারে

কম্পমান হয় থর-থর ;

সখিরা বাহিরে গেলে,

বাস-গৃহ হতে সেও

বাহিরিতে হয় সমুদ্যত ;

নবোঢ়া প্রিয়র এই                      প্রতিকূল আচরণে

প্রীতি যেন আরো বাড়ে কত ॥

( মলয়বতীকে দেখিতে দেখিতে ) প্রিয়ে মলয়বতি !

উত্তরে হুঁ দিয়া যাই,

মৌনভাবে করি অবস্থান ;

দাব-দগ্ধ তনু এই

চন্দ্রাতপে যেন করে স্নান ;

দিবস যামিনী আমি

যার ধ্যানে থাকি অবিরাম

সেই মুখ হেরি এবে

—তপ-ফল যেন মূর্ত্তিমান ॥

নায়িকা ।—( চুপি চুপি ) দেখ চতুরিকে ! শুধু যে ভাল দেখতে তা  
নয়, আবার বেশ প্রিয় কথাও বলতে জানেন ।

দাসী ।—( হাসিয়া ) দিদিঠাকরণ, উনি সত্য কথাই বলছেন—এতে  
প্রিয় কথা কি দেখতে পেলেন ?

নায়ক ।—চতুরিকে ! কুসুমাকর-উদ্যানের পথ দেখিয়ে আমাদের  
নিয়ে চল ।

দাসী ।—আসুন, এই দিক দিয়ে আসুন ।

নায়ক ।—( পরিক্রমণ করিয়া নায়িকার প্রতি ) প্রিয়ে ! নিজ ইচ্ছামত  
ধীরে-স্বস্থে চল ।

স্তন-ভারে তনু-মধ্য একেতো কাতর,

তাহে পুন হারি স্তম্ভ তাহার উপর ।

নিতম্বের ভাঁরে উরু শ্রান্ত অবিরাম,

তাহে পুন তহুপরি ক্লুহ কাঞ্চিদাম ।

না সহ্যে উরুর ভার যে চারু চরণে

তাহাতে নুপুর পুন সহিবে কেমনে ?

দেহের অঙ্গই তব ভূষণ বিশেষ

অলঙ্কার বহি' কেন মিছে পাও ক্লেশ ?

দাসী ।—এই সেই কুসুমাকর-উদ্যান—প্রবেশ করুন ।

( সকলের প্রবেশ । )

নায়ক ।—( অবলোকন করিয়া ) আহা ! এই কুসুমাকর-উদ্যানের কি

চমৎকার শোভা !

চন্দন তরুর রস

লতা-গৃহ-কুট্টিমেরে

করে সুশীতল ;

ধারা-যন্ত্র-গৃহোৎখিত

তার-ধ্বনি-সহ নাচে

ময়ুর সকল ;

যন্ত্র-হতে ছুটি জল

হেলায় পড়িয়া পুষ্পে

—পুষ্প-রঞ্জে হইয়া রঞ্জিত—

তরুদের আলবাল

পূরণ করিয়া, যোগে

হয় নিপতিত ॥

আরও দেখ :—

এই লব মধুকর

গীত-রবে লতা-গৃহ

করি' মুখরিত

কুসুম-পরাগ মাখি'

পট্টবাসে আহা যেন

হইয়া ভূষিত

পর্যাপ্ত পিইয়া মধু

মধুকরী সহচরী-সনে

পানের উৎসবে মাতে

চাঁরি দিকে আনন্দিত মনে ॥

বিদু।—( নিকটে গিয়া ) জয় হোক ! জয় হোক ! কল্যাণ হোক !

নায়ক।—সখা ! অনেকক্ষণ পরে তোমাকে আবার দেখতে পেলেম ।

বিদু।—দেখ সখা ! আমি খুব তাড়াতাড়ি করে' এসেছি। বিবাহমহোৎসব উপলক্ষে সিদ্ধ বিদ্যাধরেরা মিলে সুরাপান করচে, তাই দেখবার জন্ত কোতুহলের বশে এতক্ষণ আমি বেড়িয়ে' বেড়াচ্ছিলেম ; সখা ! এসো, তুমিও একবার দেখ ।

নায়ক।—তাই তো (চারিদিক অবলোকন করিয়া) সখা ! দেখ, দেখঃ—

এই বিদ্যাধর সবে সর্বাঙ্গে হরিচন্দন

করিয়া লেপন,

দেবদারু-পত্র-মালা

নিজ নিজ কণ্ঠদেশে

করিয়া ধারণ,

মাণিক্য-ভূষণ-দোণ্ড

অতি স্বচ্ছ সুস্বাস

করি' পরিধান

সিদ্ধাঙ্গনা-সহ মিলি'

প্রিয়া-পীত মধুরস

করিতেছে পান ॥

আচ্ছা এসো আমরাও ঐ তমাল-বীথির দিকে যাই । ( পরিভ্রমণ )

বিদু।—এইতো তমাল-বীথি । ইনি চলে' চলে' শ্রান্ত হয়েচেন দেখচি ।

তা এসো আমরা স্ফটিকমণি-শিলাতলে বসে একটু বিশ্রাম করি ।

নায়ক।—সখা ! তুমি ঠিকই লক্ষ্য করেছ ঃ—

( নায়িকার হস্ত পরিয়া ) প্রিয়ে ! এসো এইখানে আমরা বসি ।

নায়িকা।—আচ্ছা নাথ । ( সকলের উপবেশন )

নায়ক।—( নায়িকার মুখ তুলিয়া ধরিয়া দেখিতে দেখিতে ) প্রিয়ে !

কুসুমাকর-উদ্যান 'দর্শনের কোতুহলে' অনর্থক তোমাকে আমরা

কষ্ট দিলেম । কেন না ঃ—

যে মুখেতে শোভে তব      হেন চারু ভুরু-লতা,

এ অধর পল্লব গোটল ।

—নন্দন কানন সেই ;      আর যাহা কিছু দেখি

বন-মাত্র সে সব কেবল ॥

দাসী ।—(ঈষৎ হাসিয়া বিদূষকের প্রতি) উনি দিদিঠাকরণের বর্ণনা কেমন করলেন শুনলে তো ?—এখন একবার আমি তোমার বর্ণিমেটা করি ।

বিদু ।—(সহর্ষে) ও গো ! তোমার কথা শুনে আমি বাঁচলেম । তা, আমার প্রতি তুমি একটু অল্পগ্রহ কর দিকি । এই বিট্-ছোঁড়া আবার না আমাকে বলতে পারে “তুমি হেন, তুমি তেন, তুমি কপিল মর্কট ইত্যাদি”

দাসী ।—বাসর জাগাবার সময়, আমি তোমাকে দেখেছিলুম—ঘুমের ঘোরে তোমার চোখ বুজে গেছে—তাতে তোমাকে এমন সুন্দর দেখাচ্ছিল—সেই রকম করে’ আর-একবার থাকো দিকি—আমি তোমার বর্ণিমেটা করি ।

বিদু ।—(তর্জী করণ)

দাসী ।—(স্বগত) যতক্ষণ ও চোখ বুজে থাকবে, ততক্ষণ আমি তমাল পাতার নীল-রসে ওর মুখটা কালো করে দি । (উঠিয়া তমাল-পল্লব নিষ্পীড়ন করিয়া বিদূষকের মুখ কালো করিয়া দেওন)

(নায়ক ও নায়িকা বিদূষককে দেখিয়া)

নায়ক ।—সখা ! তুমিই ধন্য ; আমরা থাকতে কিনা তোমাকেই বর্ণনা কর্কে ।

নায়িকা ।—(নায়কের মুখ দেখিয়া ঈষৎ হাস্য)

নায়ক ।—(নায়িকার মুখ দেখিয়া)

অধর-পল্লবে তব

কুসুম উদ্গম—মৃদু হাস ;

অতঃ—এনেত্রে মোর

দরশনে ফলের বিকাশ ॥

বিদু ।—ওগো ! তুমি কি করলে ?

দাসী ।—কেন, তোমাকে বর্ণ দিয়ে বর্ণনা করলেম ।

বিদু ।—( হস্তের দ্বারা মুখ মার্জন করিয়া লাঠি উচাইয়া ) আরে বেটি

দাসি ! জানিস্—এ রাজ-বাটী—এই দেখ, তোর আমি কি করি ।

( নায়ককে নিরীক্ষণ করিয়া ) তোমাদের সামনে কিনা আমাকে  
এইরূপ নাকাল করলে ? এখানে আর থাকৃচি নে—আমি  
চল্লেম ।

( প্রস্থান )

দাসী ।—আমার “আত্মের” ঠাকুর রাগ করেচেন ; আমি বাই—একটু  
সান্ত্বনা করিগে ।

নায়িকা ।—ওলো চতুরিকে ! আমাকে একলা ফেলে কোথায় যাচ্চিস্ ?

দাসী ।—( দীর্ঘ হাসিয়া নায়কের প্রতি ) এই রকম একলা যেন উনি  
চিরকাল থাকেন !

( প্রস্থান )

নায়ক ।—( নায়িকার মুখ দেখিতে দেখিতে )

যদি এই মুখ তব

ধরিল রক্তিম হ্রাস

লাগি তাহে তপনের কর ;

বিস্তারি' দগুন-ভটা

তাহে ব্যক্ত হল যদি

প্রফুটিত কমল-কেশর ;

—সব্ই পদ্ম সম যদি, কেন তবে নাহি দেখি

মধুপানে রত মধুকর ?

নায়িকা ।—( হাসিয়া অশ্রুদিকে মুখ ফিরাইয়া অবস্থান )

নায়ক ।—( পুনরবার “যদি এই মুখ তব” ইত্যাদি )

তাড়াতাড়ি দাসীর প্রবেশ ।

দাসী ।—( নিকটে গিয়া ) ভাৰ্য্য মিত্রাবসু এসেছেন—কোন কার্য্য উপ-

লক্ষে কুমারের সহিত সাক্ষাৎ করতে চান ।

নায়ক ।—প্রিয়ে ! এখন তোমার নিজ গৃহে যাও, আমি মিত্রাবসুর সহিত

সাক্ষাৎ করে’ এখনি আসূচি ।

নায়িকা ।—( দাসীর সহিত প্রস্থান )

মিত্রাবসুর প্রবেশ ।

মিত্রা ।—( স্বগত )

ভীমূতবাহনের সে শত্রুজনে না পারিহু

করিতে বিনাশ,

রিপু সে হরিল রাজ্য —কেমনে নিরাজ্জ হয়ে

করিব প্রকাশ ?

এ কথাটা মা জানিয়ে যাওয়াটাও উচিত নয়—জানিয়েই যাই ।

( প্রকাশ্যে ) কুমার !—আমি মিত্রাবসু, প্রণাম করি ।

নায়ক ।—( মিত্রাবসুকে দেখিয়া ) মিত্রাবসু ! এই থানে বোসো ।

মিত্রা ।—( নিরীক্ষণ করিয়া উপবেশন )

নায়ক ।—( নিরীক্ষণ করিয়া ) মিত্রাবসু ! তোমার একপ জুহুভাব

দেখাচি যে ?

মিত্রা ।—হতভাগা মতজকে বধ করতে ক্রোধের কি প্রয়োজন ?

নায়ক ।—মতজ করেছে কি ?

মিত্রা ।—নিজের মৃত্যু আসন্ন কি না, তাই সে আপনার রাজ্য আক্রমণ করেছে ।

নায়ক ।—( সহর্ষে স্বগত ) এ কথাটা কি সত্য ?

মিত্রা ।—কুমার ! তাকে বিনাশ করতে হাজার দিন । অধিক কি বলব :—

আদেশ পাইলে তব, এই সিদ্ধগণ ব্যোমচারী  
বিমানে আরুঢ় হয়ে চারিদিকে বিচরি' বরষা সম  
সূর্য্যে আচ্ছন্ন করি' আঁধারিয়া মধ্যাহ্ন-দিবস,  
যুদ্ধে সদ্য বাহিরিয়া, ক্ষণ-ভয়াকুল রাজাদের  
—আর নিজ রাজ্য তব—করিবে গো উদ্ধার এখনি ॥  
অথবা সৈন্তেরই বা কি প্রয়োজন ?

একাকীই আমি গিয়া

বেগে অসি রুরি' আকর্ষণ

—জটা-সম সমুজ্জল

যে অসির প্রদোষ্ট করিণ—

সিংহ যথা মাতঙ্গেরে

—মতঙ্গেরে আমি সেই মত

সম্মুখ-সংগ্রামে দেখো

এখনি গো করিব নিহত ॥

নায়ক ।—( কর্ণ আচ্ছাদন করিয়া স্বগত ) ও ! কি দারুণ কথা ।

আচ্ছা, এইরূপ বলা যাক্ । ( প্রকাশ্যে ) মিত্রাবহু ! এতো অল্প  
বিষয়—তোমার ষেক্ষপ বলবীৰ্য্য, তাতে কি না তোমাতে সম্ভব ?  
কিন্তু ;—

অবাচিত হয়ে যে কো

পর-অর্থে স্বশরীর

বিসর্জিত পারে কৃপাবশে



জীব-হিংসা নিষ্ঠুরতা

করিতে গো অমুমতি

রাজ্যতরে কেমনে দিবে সে ?

অপিচ:—ক্লেশই আমার শত্রু, ক্লেশ ছাড়া আমার আর কারও পরে শত্রুতা নাই । তুমি যদি আমার প্রিয় কার্য্য করতে ইচ্ছা কর, তা হলে রাজ্যলাভের জন্ত যে এত ক্লেশ করচে, সেই কৃপাপাত্র ক্লেশ-পরতন্ত্র ব্যক্তির প্রতি তুমি অমুকম্পা কর ।

মিত্রা ।—( অমর্ষের সহিত ) বলেন কি, যিনি আমাদের এমন উপকারী বন্ধু ও কৃপা-পাত্র তাঁর প্রতি অমুকম্পা করব না ?

নায়ক ।—( স্বগত ) কোপাবিষ্ট ব্যক্তির ক্রোধ হুর্ণিবার, তাকে এরূপে নিরস্ত করতে পারা যাবে না । আচ্ছা, এইরূপ তবে বলা যাক্ । ( প্রকাশে ) মিত্রাবন্ধু । ওঠো, গৃহের অভ্যন্তরে যাওয়া যাক্ । সেইখানে গিয়ে তোমাকে সমস্ত বুঝিয়ে বলব । এখন দিবা অবসান হয়ে এল । দেখ :—

কমল-কলির যে গো সঙ্কোচ ঘুচায়,  
কর-জালে পূর্ণ করে যে জন \* আশায়,  
অশেষ বিশ্বেরে যে গো করে প্রাণ দান,  
সিদ্ধেরা দেখিয়া যারে করে স্তুতিগান,  
স্নান্য সেই সূর্য্যদেব, নাহিক সংশয়,  
পর-হিত-তরে সদা যাহার উদয় ॥

( সকলের প্রস্থান )

ইতি তৃতীয় অঙ্ক ।

## চতুর্থ অঙ্ক ।

( রক্তবস্ত্রযুগল লইয়া কঞ্চুকী ও প্রতীহারের প্রবেশ )

।—

অন্তঃপুরবাসি মাঝে

সুব্যবস্থা করিয়া স্থাপন,

পদে পদে দেখি' তাহে

নানা ক্রটি—নিয়ম-লঙ্ঘন,

জরাতুর বৃদ্ধ আমি

অনুসরি' নৃপ-দণ্ডনীতি

করিতেছি দেখ এবে

সর্বকার্যে নৃপ-অনুকৃতি ॥

প্রতী ।—আর্য্য বসুভদ্র ! আপনি কোথায় যাচ্ছেন বলুন দেকি ?

কঞ্চুকী ।—মিত্রাবসু বসুভদ্র! ঠাকুরাণী আমাকে এই রূপ আদেশ করলেন :—“মলয়বতী ও জামাতার রক্তবস্ত্র নিয়ে গিয়ে তুমি তাদের সঙ্গে দশ রাত্রি বাস করবে। চুহিতা খুশুর-বাড়িতেই আছে।” শুন্লেম নাকি জীমূতবাহনও যুবরাজের সহিত আজ সমুদ্র-তীর দেখতে গেছেন। তা আমি এখন কোথায় বাই ?—রাজপুত্রীর কাছে বাই কি জামাতার কাছে বাই—কিছুই তো বুঝতে পারছি নে।

প্রতী ।—মহাশয় ! আপনি রাজপুত্রীর কাছেই যান। এতক্ষণে হয় তো সেইখানে জামাতা নিজেই এসে উপস্থিত হয়েছেন।

কঞ্চুকী ।—ঠিক বলেছি। আচ্ছা, তুমি কোথায় যাচ্চ বল দিকি ?

প্রতী ।—মহারাজ বিশ্বাবসু আমাকে এই আদেশ করলেন ; “দেখ

সুনন্দ ! মিত্রাবসূকে গিয়ে বল, যে “এই “দীপ-প্রতিপদ” উৎসবে  
মলয়বতী ও জামতাকে কিছু উপহার দিতে হবে ; তা, এই উৎ-  
সবের উপযুক্ত কি দেওয়া যেতে পারে তুমি এসে স্থির কর ।”

জীমূতবাহন ও মিত্রাবসুর প্রবেশ ।

জীমূত ।—তরু-তৃণ-ভূমি শয্যা ;

সুপবিভ্র আসন পাষণ ;

বাস-গৃহ তরুতল ;

শীতল নির্ঝর বারি পান ;

কন্দমূল ভোজ্য বস্ত্র ;

সহচর যেথা মৃগ নব ;

আঘাচিত লভ্য যেথা,

সর্ব্বধন সকল বিভব

—হেন বনে এক দোষ :—

সুহৃদ সदा প্রার্থী জন ;

না করি’ পরোপকার

বুঝা কাটে নিষ্ফল জীবন ॥

মিত্রা ।—( উদ্ধে অবলোকন করিয়া ) কুমার ! শীঘ্র চল, শীঘ্র চল,  
সমুদ্রে জলোচ্ছ্বাসের এই সময় ।

নায়ক ।—( শুনিয়া ) ঠিক বলেছ ।

মহাকায় জলহস্তি

জল করি’ তোলপাড়

মহাবেগে ভাসি-উঠি’ সব,

যত গিরি-কন্দরের

উদরাভ্যন্তর-মারে

ভুলি’ ঘোর প্রতি-ধ্বনি রব,

উচ্চে উচ্চে উঠে ধ্বনি

নখন গো প্রতিপথ

করিয়া স্থিতি,

তখন এ বেলা-জল

—শুভ্র বহু শঙ্খ-সহ

আসিছে নিশ্চিত ॥

মিত্রা ।—আসুচে কি—এসে পড়েচে ।—দেখ না :—

লবঙ্গ-পল্লব-ভোজী

করী-মকর-উদগারী

সউরভ করিয়া বিস্তার

রত্ন-দ্রুতি-সুরঞ্জিত

এই সিঙ্কু-বেলা-জল

দেখ কিবা শোভে চমৎকার !

নায়ক ।—মিত্রাবহু ! দেখ দেখ ; এই মলয়-পর্বতের 'সানু-দেশগুলি, শরতের শুভ্র মেঘে আবৃত হিমাচল-শিখরের শোভা ধারণ করেছে ।

মিত্রা ।—এ মলয়-পর্বতের সানুদেশ নয়, এ হচ্ছে মৃত নাগদের স্তূপাকার অস্থি-রাশি ।

নায়ক ।—(উদ্বেগ-সহকারে) আহা ! এতগুলি এক সঙ্গে কি করে' ম'ল ?

মিত্রা ।—কুমার ! এরা এক সঙ্গে মরে নি ; আসল ব্যাপারটি কি তবে শোনো । বিনতানন্দন গরুড় নিজের ডানার বাতাসে, সাগর-তলের সমস্ত জলরাশি তোলপাড় করে, 'রসাতল থেকে উঠিয়ে প্রতিদিন এক একটা নাগকে আহ্বার করেন ।

নায়ক ।—(উদ্বেগ-সহকারে) কি কষ্ট ! কি নিষ্ঠুরতা ! তারপর—  
তারপর ?

মিত্রা ।—তারপর, সমস্ত নাগ-বংশের বিনাশ আশঙ্কায়, বাসুকী গরুড়কে বলেন :—

নায়ক ।—(সাদরে) বলেন, “আমাকেই প্রথমে ভক্ষণ কর ।”—না ?

মিত্রা ।—না না, তা নয় ।

নায়ক ।—এ ছাড়া আর কি বলতে পারেন ?

মিত্রা ।—এট কথ্য বলেনঃ—

“তোমার আক্রমণের ভয়ে শঙ্কু সহস্র ভূজঙ্গীর গর্ভস্রাব হয়, শিশুরা

পঞ্চদশ পায় ; এইরূপে আমরাও সন্ততি-বিচ্ছেদ ভোগ করি, তোমা-  
রও স্বার্থের হানি হয়, অতএব তুমি যে অভিপ্রায়ে নাগ-লোক  
আক্রমণ কর, তোমার সেই অভিপ্রায়-অহুসারেই প্রতিদিন এক  
একটি নাগ তোমার কাছে আমি পাঠিয়ে দেব ।”

নায়ক ।—নাগরাজ বাম্বুকী পন্নগগণকে তবে আর কৈ রক্ষা করলেন ?

সহস্র-মন্তক তিনি— দ্বিসহস্র জিহ্বা-মাঝে

নাহি কি একটি জিহ্বা

‘ তাঁর বিদ্যমান ?

—যে জিহ্বা দিয়া তিনি বলেন রিপূর কাছে

“একটি অহির তরে

দিব আমি প্রাণ” ?

মিত্রা ।—পক্ষিরাজ তাতেই স্বীকৃত হলেন :—

নাগ-রাজ এইরূপ

করিলে গো নিয়ম স্থাপন,

যে সকল নাগ-গণে

পক্ষিরাজ করেন ভোজন,

তাদেহি এ অস্থি-রাশি —হিমাচল-সম দ্রুতি

করিয়া ধারণ—

দিন দিন হইয়াছে— হইতেছে—আরও কত

হইবে বর্দ্ধন ॥

নায়ক ।—আশ্চর্য্য !

যে ক্ষুদ্র শরীর এই অকৃতজ্ঞ কণ্ঠধ্বংসী

অণুচি-আধার,

তারি তরে দেখ সব অজ্ঞানান্ধ মূঢ়জন

করে পাপাচার ॥

অহো ! এই নাগদের অন্তিম দশা কি কষ্টকর ! ( স্বগত ) আমি  
কি নিজের শরীর দিয়ে একটি নাগেরও প্রাণরক্ষা করতে পারি নে ?

প্রতীহারের প্রবেশ ।

প্রতী ।—এই গিরি-শিখরে তো উঠেচি ; এখন মিত্রাবস্থকে অন্বেষণ করা  
যাক । ( পরিক্রমণ করিয়া ) এই যে, মিত্রাবস্থ জামাতার নিকটেই  
আছেন । ( নিকটে গিয়া ) কুমারদের জয় হোক !

মিত্রা ।—স্বনন্দ ! এখানে কি জ্ঞাত আসা হয়েছে ?

প্রতী ।—( কানে কানে কখন )

মিত্রা ।—কুমার ! পিতা আমাদের ডেকে পাঠিয়েছেন ।

নায়ক ।—আচ্ছা, তুমি যাও ।

মিত্রা ।—এই প্রদেশটী বহু অনিষ্টের স্থান ; কুমারেরও এখানে থাকা  
কর্তব্য নয় ।

( প্রস্থান )

নায়ক ।—আমি তবে এখন গিরি-শিখর হতে নেবে সমুদ্রতীর দেখতে  
যাই । ( পরিক্রমণ )

নেপথ্যে ।—হা ! বৎস শঙ্খচূড় ! তোমাকে আজ বধ করবে, আমি  
কেমন করে' চক্ষে দেখব ?

নায়ক ।—আশ্চর্য্য ! একি ! যেন কোন স্ত্রীলোকের বিলাপ—স্ত্রী-  
লোকটি কে ?—এর ভয়ের কারণই বা কি ?—জিজ্ঞাসা করে' জানা  
যাক । ( পরিক্রমণ )

শঙ্খচূড়ের পশ্চাৎ পশ্চাৎ একটি রত্না কাঁদিতে কাঁদিতে  
গমন ও একজম দাস বস্ত্রযুগল লইয়া প্রবেশ ।

রত্না ।—( সাক্ষরলোচনে ) ওরে বাছা শঙ্খচূড় ! তোকে আজ বধ করবে,

আমি কেমন করে' চক্ষে দেখব ? ( চিবুক ধরিয়া ) এই মুখচন্দ্রের  
অভাবে, পাতালপুরী যে এখনি অন্ধকার হয়ে যাবে ।

শঙ্খ ।—মা ! কেন এত কাতর হচ্ছ—তোমার কাতরতা দেখে আমার  
বড়ই কষ্ট হচ্ছে ।

বুদ্ধা ।—( পুত্রের অঙ্গাদি স্পর্শ করিতে করিতে নিরীক্ষণ ) বাছারে  
আমার ! তোর এই সুকুমার শরীর, যে কখন সূর্য্যাকিরণ দেখেনি,  
তোকে কি করে' এই নির্ভুর গুরুড় ভক্ষণ করবে ? ( কণ্ঠ ধরিয়া  
রোদন )

শঙ্খ ।—মা ! কেন দুঃখ করচ ? দেখ :—

জনম হইবা মাত্র                      প্রথমেই অনিত্যতা

ধাত্রীসম নিজ ক্রোড়ে

করেন গ্রহণ ;

—জননী তাহার পর ;      তবে কেন কর শোক ?

—এ নহে তো বিলাপের

সমুচিত ক্রম ॥ ( যাইতে উদ্যত )

বুদ্ধা ।—বাছা ! একটু দাঁড়া, একবার তোর চাঁদ মুখখানি দেখেনি ।

দাস ।—এসো কুমার শঙ্খচূড় ! উনি যতই বলুন না কেন, তোমার  
তাতে কি হবে ? উনি পুত্রস্নেহে এখন জ্ঞান-হারা,—রাজকার্য্য  
কিছুই বোঝেন না ।

শঙ্খ ।—এই আমি যাচ্ছি ।

দাস ।—( সম্মুখে অবলোকন করিয়া স্বগত ) আমিতো এঁকে বধ্যশিলার  
কাছে নিয়ে এসেছি—এখন বধ্য-চিহ্নগুলি দেওয়া যাক ।

নায়ক ।—এইতো সেই জ্বীলোক । ( শঙ্খচূড়কে দেখিয়া ) বোধ হয়  
ওঁরই পুত্র—আচ্ছা ভাল, কীদ্রুচেন কেন ? বিলাপ করচেন কেন ?  
( চারি দিকে অবলোকন করিয়া ) এঁর ভয়েরতো কোন কারণ

দেখচিনে, ভয়ের কারণটা কি নিকটে গিয়ে জানা যাক । এদের  
হৃদয়ের মধ্যে কি কথাবার্তা চলচে—এই কথাবার্তা থেকে কারণটা  
প্রকাশ হতেও পারে—আচ্ছা আমি তবে এই বৃক্ষ-শাখার আড়াল  
থেকে শুনি ।

দাস ।—( সাক্ষ্যলোচনে কৃতাজ্জলি হইয়া ) স্বামীর এই আদেশ ;—তাই  
এই নির্ভর কথা আমাকে বলতে হচ্ছে ।

শঙ্খ ।—বল বাপু বল ।

দাস ।—নাগরাজ বাসুকি আজ্ঞা করেচেন—

শঙ্খ ।—( শিরে অঞ্জলি ধারণ করিয়া সাদরে ) মহারাজ কি আজ্ঞা  
করেছেন ?

দাস ।—এই রক্ত-বস্ত্র পরিধান করে' বধ্যশিলায় আরোহণ করতে হবে ।

এই রক্ত-বস্ত্র লক্ষ্য করে' গরুড় এখানে এসে আহাৰ করবেন ।

নায়ক ।—( শুনিয়া ) কি ?—এটি বাসুকীর পরিত্যক্ত ?

দাস ।—কুমার ! এই বস্ত্রযুগল গ্রহণ কর । ( অর্পণ )

শঙ্খ ।—( সাদরে ) দেও । ( গ্রহণ করিয়া ) প্রভুর আদেশ শিরোধার্য ।

বৃদ্ধা ।—( পুত্রের হস্তে বস্ত্রযুগল দেখিয়া বুক চাপড়াইয়া ) ওরে বাছারে !

এ যে আমার মাথার বজ্রাঘাত হল রে ! ( মুর্চ্চিত )

দাস !—গরুড়ের আসবার সময় হয়ে এল । আমি শীঘ্র বাই ।

( প্রস্থান )

শঙ্খ ।—ওঠ মা ! ওঠ !

বৃদ্ধা ।—( সংজ্ঞা লাভ করিয়া সাক্ষ্যলোচনে ) ওরে আমার বাছারে !

তোকে পেয়ে যে আমার শত আশা পূর্ণ হয়েছিল । আর কি

তোকে দেখতে পাব রে ? ( কষ্ট ধারণ )

নায়ক ।—অহো ! গরুড়ের কি নির্ভরতা !—



হইয়া গো মূরছিত' অশ্রুবারি বরিষণ

করি' অবিরাম,

বিলাপ করিয়া বহু, নিষ্ফেপিয়া চারিদিকে

করুণ নয়ান,

বলে যেন :—“বাছা ওরে ! নাহি কেহ পরিজ্ঞাত।

করে তোরে জ্ঞান ?”

এ হেন মাতার কোলে যে শিশুটি অবস্থিত

থগেন্দ্র তাহারে এবে

দয়া মায়া তেয়াগিয়া

চঞ্চু-অগ্রে করিবে ভক্ষণ ;

তাই ভাবি, গরুড়ের কঠিন হৃদয় সেই

নিশ্চয় গো বজ্রের গঠন ॥

শব্দ ।—( নিজের অশ্রু নিবারণ করিয়া ) মা ! এত কাতর হচ্চ

কেন ?—একটু ধৈর্য ধরে' থাকো ।

বৃদ্ধা ।—(সাম্রলোচনে) কি করে' বাছা ধৈর্য ধরব ?—তুই আমার এক-

মাত্র পুত্র, তাই ভেবেই কি দয়াময় নাগরাজ তোকেই পাঠিয়ে

দিলেন ?—আমার সংসারে বিচ্ছেদ ঘটেনি দেখেই কি নাগরাজ

আমার বাছাটিকে স্মরণ করলেন ? ( মুচ্ছা )

নায়ক ।—( সক্রুণ ভাবে )

অর্ন্ত, কঠগত-প্রাণ—<sup>০</sup> ত্যাগ করিয়াছে যারে

সকল আত্মীয় বন্ধু জনে—

এহেন ব্যক্তিরে যদি, জ্ঞান না করিগো আমি

কি ফল এ শরীর ধারণে ?

আচ্ছা, নিকটে যাওয়া থাক্ ।

শব্দ ।—মা ! মনকে স্থির কর ।

বৃদ্ধা ।—বাছারে আমার ! যখন নাগলোকের রক্ষক বাম্বুকীই তোকে  
পরিত্যাগ করলেন, তখন আর কে তোকে পরিত্রাণ করবে বল ?

নায়ক ।—( নিকটে গিয়া ) কেন, আমি,—আমিই পরিত্রাণ করব ।

বৃদ্ধা ।—( নায়ককে দেখিয়া সভয়ে উত্তরায়ের দ্বারা পুত্রকে আচ্ছাদন  
করিয়া নায়কের নিকটে গিয়া জাহ্নু পার্ণতয়া ) বিনতানন্দন আমাকে  
বধ কর । তোমার আহারের জন্ত নাগরাজ আমাকেই স্থির  
করেছেন ।

নায়ক ।—( সাক্ষ্যলোচনে ) অহা ! কি পুত্র বাৎসল্য !

পুত্র-বাৎসল্য-জাত

ইহার এ সকাতির

ভাব দরশনে

কঠোর-হৃদয় সেই

ভূজঙ্গম-অরাতিরো

দয়া হবে মনে ॥

শব্দ ।—মা ! ভয় নাই, ইনি নাগদের শত্রু নন । দেখ :—

—নাগের মস্তক-ভেদী

সুপ্রচণ্ড চঞ্চু যার

বিচর্চিত শোণিত-ধারায়—

কোথায় সে পক্ষিরাজ

—আর সৌম্য-শাস্ত্ররূপ

সাধুজন—এই বা কোথায় ?

বৃদ্ধা ।—আমি পুত্র-হত্যার ভয়ে সমস্ত লোকই এখন গরুড়ময় দেখ্‌চি ।

নায়ক ।—মা ! পুনঃপুনঃ আমাকে বল্‌চ কেন—দেখো আমি সময়-  
কালে তোমার পুত্রকে রক্ষা করব ।

বৃদ্ধা ।—( মস্তকে অঞ্জলি বন্ধন করিয়া ) বৎস ! চিরজীবী হও ।

নায়ক ।—

কর মাতঃ বৃদ্ধাচিহ্ন আমারে অর্পণ ;

তাঁহে নিজ দেহ স্মার করি' আচ্ছাদন



নায়ক ।—দেখ শঙ্খচূড় ! বহুকালের পর আমি এইবার পরোপকারের অবসর পেয়েছি—এ কার্য হতে আমাকে বিরত করা তোমার উচিত হয় না । তা, এ বিষয়ে আর ইতস্তত কোরো না—তোমার বধ্য-চিহ্নগুলি আমাকে দেও ।

শঙ্খ ।—মহাত্মন ! কেন নিজ আত্মাকে আপনি বৃথা কষ্ট দিচ্ছেন ? দেখুন, শঙ্খচূড় কখনই শঙ্খধবল পিতৃকুলকে মলিন করবে না । যদি আমাদের প্রতি আপনার অনুকম্পা হয়ে থাকে, তাহলে, এই বিপন্ন জীবন যাতে ত্যাগ করতে না হয়, তার অত্র উপায় চিন্তা করুন ।

নায়ক ।—এ বিষয়ে আর কি চিন্তা করবার আছে ?

তোমার মরণে যেনো হয় ত্রিয়মান,

তব প্রাণ বাঁচিলে গো বাঁচে যার প্রাণ,

তাহারে বাঁচাতে যদি করহ মনন,

মোর প্রাণে নিজ প্রাণ করগো রক্ষণ ॥

এই একমাত্র উপায় আছে, অতএব তুমি শীঘ্র তোমার বধ্যচিহ্নগুলি আমাকে দেও । এই চিহ্নগুলি ধারণ করে আমি বধ্যশিলায় আরোহণ করি । তুমিও জননীর সঙ্গে এ প্রদেশ হতে ফিরে যাও । কি জানি, যদি এই নিকটস্থ হত্যা-স্থান দেখে, জীস্বভাব-হুলভ কাতরতা-বশে উনি প্রাণত্যাগ করেন । মৃত-নাগ-কঙ্কালপূর্ণ এই মহাশ্মশান কি তুমি দেখতে পাচ্চ না ?

গরুড়ের সূচঞ্চল

চঞ্চু-অগ্র হতে বেই

মাংস-খণ্ড হতেছে পতন

তারি লোভে গৃধ্র যত

সঞ্চালিয়া পক্ষ, ঘন

অন্ধকারে ছাইল গগন ;

অজস্র বহুল বসি হইয়া নিম্নত

আমগন্ধী রক্তশ্রোতে হতেছে মিশ্রিত ;

—সেই স্রোতে, শিবা-বক্তৃ- বিনিহত অগ্নিশিখা  
হইয়া পতন  
নির্ঝাণ হইয়া গিয়া সুবিকট ঘোররবে  
করিছে স্বনন ॥

শঙ্ক।—দেখতে পাচ্ছি বৈকি ।

প্রতি দিন নাগাহারে গরুড়ের হয় হেথা  
পরম তৃপতি ;  
এ মহাশ্মশান তাই অস্থি-কপালেতে পূর্ণ  
হয় নিতি-নিতি ॥

নায়ক।—শঙ্কচূড় ! তুমি যাও ; এ সকল সাস্ত্রনার বাক্যে আর কি  
হবে ?

শঙ্ক।—গরুড়ের আসুবার সময় হয়ে এল । ( মাতার সম্মুখে জাহ্নু  
পাতিয়া ) মা ! তুমিও এখান থেকে ফিরে যাও ।

পুত্র-প্রিয় মাতা ওগো !

জনমিব হেথা যত বার

তুমিই হওগো যেন

জন্ম-জন্ম জননী আমার ॥

( পদতলে পতন )

বৃদ্ধা।—( সাক্ষ্যলোচনে ) বাছা ! অস্তিম-কালের কথা কেন মুখে  
আনচ ?—তোমাকে ছেড়ে বাছা আমার পা যে কোথাও নড়তে  
চায় না । তোমার সঙ্গে আমি এখানেই থাকুব ।

শঙ্ক।—( উঠিয়া ) আমিও শীঘ্র ঐ ভগবান দক্ষিণ-গোকর্ণকে প্রদক্ষিণ  
করে' প্রভু নাগরাজের আদেশ পালন করি ।

( উভয়ের প্রস্থান )

নায়ক ।—( দেখিয়া সহর্ষে স্বগত ) এই রক্তবস্ত্র-যুগল ভাগ্যি দৈবাৎ  
পাওয়া গেল, এইবার আমার মনোবাঞ্ছা সিদ্ধ হবে ।

কঞ্চুকীর প্রবেশ ।

কঞ্চুকী ।—মিত্রাবস্তুর স্রজননী এই বস্ত্রযুগল কুমারকে পাঠিয়েছেন, তা,  
এই বস্ত্র কুমার পরিধান করুন ।

নায়ক ।—( সাদরে ) দেও ।

কঞ্চুকী ।—( বস্ত্র অর্পণ )

নায়ক ।—( লইয়া স্বগত ) মলয়বতীর পাণিগ্রহণ সফল হল ।  
( প্রকাশ্যে ) কঞ্চুকি ! যাও ; দেবীকে আমার প্রণাম জানিও ।

কঞ্চুকী ।—যে আজ্ঞা কুমার ।

( প্রস্থান )

এই রক্ত বস্ত্রযুগ

সমাগত উপযুক্ত ক্ষণে ;

পরার্থে ত্যজিব দেহ

—ইথে কত প্রীতি হয় মনে ॥

( চারিদিক অবলোকন করিয়া ) মলায়াচলের শিলারাশি সঞ্চারিত  
করে' যখন বায়ু প্রবাহিত হচ্ছে, তখন মনে হয়, পক্ষিরাজ  
নিশ্চয়ই নিকটবর্তী ।

“সম্বর্ত্ত”-জলদ-সম • পক্ষের পংক্তিতে দেখ

সমস্ত গগন আচ্ছাদিত ;

বায়ু-বেগে অমুরাশি হইল উৎক্ষিপ্ত তীরে

—যেন মহী হইবে প্রাবিত ;

প্রলয় আশঙ্কা করি' সহসা দিগ্‌গজ সবে

দেখে ভয়ে হইয়া বিহ্বল ;

দ্বাদশ আদিত্য-সম

দেহের প্রভায় মুহু

দশ দিক হইল পিঙ্গল ॥

তা, চক্ষুচূড় না আসূতে আ সূতেই, আমি তাড়াতাড়ি এই বধ্যশিলায়  
উঠে পড়ি । ( তথা করিয়া উপবেশন করিয়া স্পর্শসুখ অভিনয় )

আহা ! এই শিলা কি সুখস্পর্শ !

তত সুখ নাহি হয়

মলয়-চন্দন-লিপ্ত

মলয়বতীর আলিঙ্গনে

যত হয় সুখোদয়

মনোবাঞ্ছা-সিদ্ধি-আশে

লগ্ন হয়ে এই শিলা-সনে ॥

পাই নাই তত সুখ

শৈশবে মায়ের কোলে

গুইয়া নিঃশঙ্কে

যত সুখ পাইলাম

আমি আজি থাকি এই

শিলাতল-অঙ্কে ॥

এই যে, গরুড় এসেছেন ; আমি এই বার রক্তবস্ত্রে শরীর আচ্ছা-  
দন করি ।

গরুড় ।—

( গরুড়ের প্রবেশ )

নেহারিহু শশাঙ্করে

শশঙ্কিত দর্শনে আমার ;

—শেষ-মূর্তি অনন্তে

সঙ্কুচিত বলয়-আকার ;

রথ-অশ্বে হেরি' ত্র্যস্ত

হইলেন সূর্য্য বিচলিত ;

অরুণ অগ্রজ মৌর

দেখি' মোরে হইলা হর্ষিত ॥

তার পর প্রবেশিয়া

প্রজ্জলন্ত মেঘ-ময় নভে

বিস্তারিয়া পক্ষ মোর

—অহি-মাংস আহারের লোভে—

ক্ষণমাত্র আইলাম—উড়িতে উড়িতে

সিন্ধুতীরবর্তী এই মলয়-গিরিতে ॥

নায়ক ।—( সপরিতোষে )

স্বশরীর দানে আজি                      যে পুণ্য অর্জিছু আমি

বাঁচাইয়া নাগের জীবন

—সেই পুণ্য-ফলে যেন                      পর-হিত-তরে দেহ

জন্ম-জন্ম করিগো ধারণ ॥

গরুড় ।—( নায়ককে নিরীক্ষণ করিয়া )

এই যে !

অবশিষ্ট নাগদের প্রাণরক্ষা-তরে

সমাগত নাগ এক বধ্যশিলা-পরে ।

রক্তাশ্বর পরিধান                      ভয়ে বুক ফাটি' যেন

সেই রক্তে লিপ্ত দেহ থানি :

বজ্র-চণ্ড চণ্ড দিয়া                      ভেদি' বক্ষ, ভক্ষিবারে

উর্দ্ধে এরে লয়ে যাই আমি ॥

( নাবিয়া নায়ককে ধারণ, নেপথ্যে হুইতে পুষ্প-বৃষ্টি, ও হুন্দুভি-নাদ )

গরুড় ।—( সবিস্ময়ে ) এ কি !

গন্ধে আমোদিত হয়ে অলি যাহে বসে

—হেন পুষ্প নভ হতে এবে কি বরবে ?

কিস্বা স্বর্গ হতে কি এ হুন্দুভির ধ্বনি

মুখরিত করে দিক —এবেয়া হা শুনি ?



( হাসিয়া )

না, বুঝেচি :—

মম বেগ-সমীরণে হইয়া কম্পিত  
স্বৰ্গ হতে পারিজাত হতেচে পতিত ;  
“সম্বৰ্ত্তক”-মেঘ সবে, সংহারের তরে  
এইরূপ ঘোরতর গরজন করে ॥

নায়ক ।—( স্বগত ) আ কি সৌভাগ্য ! আজ আমি কৃতার্থ হলেম ।

গুরুড় ।—( নায়ককে দেখিয়া )

সপ্তর্ষের রক্ষক হয়ে                      এ যে দেখি কোন নর  
হেথা উপস্থিত ;  
সর্পাহার ইচ্ছা তাই                      আজিকার মত মোর  
হ’ল অপনীত ॥

আচ্ছা, একে তবে নিয়ে, মলয়-পর্বতে উঠে, মনের সাথে আহার  
করিগে ।

( প্রস্থান )

ইতি চতুর্থ অঙ্ক ।

---

## পঞ্চম অঙ্ক ।

### প্রতীহারের প্রবেশ ।

প্রতী ।— গৃহোদ্যানে যাইলেও হয় গো অনিষ্ট-শঙ্কা

স্নেহবশে স্নেহীজন-তরে ;

তাতে তিনি অবস্থিত ভীষণ কাস্তারে এবে

—যেথা বহু বিপদ বিচরে ॥

জীমূতবাহন সমুদ্রতীরের জলোচ্ছ্বাস দেখবার জন্ত কুতূহলী হয়ে যাত্রা করেছেন—এখনও তিনি না আসায় মহারাজ বিশ্ববর্ষ বড়ই চিন্তিত হয়েছেন । আর তিনি আমাকে এইরূপ আজ্ঞা করলেন :

“দেখ স্নানন্দ ! আমি শুন্লেম যে, জামাতা জীমূতবাহন নাকি গরুড়ের নিকটবর্তী কোন ভয়ঙ্কর স্থানে গেছেন ! তাই আমি অত্যন্ত ভীত হয়েছি । দেখ, তুমি শীঘ্র জেনে এসো, তিনি নিজ গৃহে ফিরে এসেছেন কি না ।” আমি তাই এখন সেইখানে যাচ্ছি । ( পরিক্রমণ পূর্বক সম্মুখে অবলোকন করিয়া ) এই তো রাজর্ষি জীমূতবাহনের পিতা জীমূতকেতু কুটীরের অঙ্গনে বসে আছেন, আর তাঁর সহধর্মিণী ও রাজপুত্রী তাঁর সেবা করছেন ।

তরল-তরঙ্গ-ভঙ্গ

ফেনময় জল-সম,

পট্টবস্ত্র করি’ পরিধান,

মহিষী আছেন বসি’

সুসলিলা সুবিষদা

মহাপুণ্ড্রা জাহ্নবীসমান ;

তাঁ-সহ জীমূতকেতু

বিরাজিত জলধি-শ্রী

করিয়া ধারণ ;

তাঁহার সন্মীপে বসি’

শোভেন মলয়াবতী

বেল্লার মতন ॥

এখন তবে নিকটে যাওয়া যাক ।

পত্নী ও বধূর সহিত জীমূতকেতু আসীন  
জীমূত ।—

ভুঞ্জিছি যৌবন-সুখ ;                      করিয়াছি যশোপূর্ণ

রাজ্যে অধিষ্ঠান ;

চাক্রায়ণ আদি তপ                      স্থির চিন্তে করিয়াছি

আমি অনুষ্ঠান ;

প্লাবনীয় পুত্র মোর ;                      অনুরূপ বংশজাত

এই পুত্রবধূ ;

কৃতার্থ হয়েছি আমি ;                      —চিন্তার বিষয় মোর

এবে মৃত্যু শুধু ॥

সুনন্দ ।—( সহসা নিকটে আসিয়া ) জীমূত-বাহনের—

জীমূতকেতু ।—( কর্ণ আচ্ছাদন করিয়া ) কোন পাপ-কথা শুন্তে না  
হয় !

বুদ্ধা ।—সূর্য অমঙ্গল দূর হোক !

মলয়বতী ।—এই দুর্নিমিত্তে আমার হৃদয় কাঁপচে ।

জীমূতকেতু ।—( বামাক্ষি-স্পন্দনে ) বাপু ! জীমূতবাহনের কি— ?

সুনন্দ ।—জীমূতবাহনের সংবাদ জানবার জন্ত মহারাজ বিশ্বাবসু আপ-  
নাদের কাছে আমাকে পাঠিয়েচেন ।

জীমূতকেতু ।—কি ? সেখানে কি আমার পুত্র নাই ?

বুদ্ধা ।—( সবিসাদে ) মহারাজ ! সেখানে যদি না থাকে, তা হলে বাছা  
আর কোথায় যেতে পারে ?

জীমূতকেতু ।—বোধ হয় আমাদের জীবিকা আহরণের জন্ত আর  
কোথাও গিয়ে থাকবে !

মল ।—( সবিসাদে স্বগত ) আর্ধ্যপুত্রকে না দেখতে পেয়ে আমার কিন্তু  
অশ্রুপূর্ণ আশঙ্কা হচ্ছে ।

সুন্দ ।—আজ্ঞা করুন, মহারাজকে আমি কি নিবেদন করব ।

জীমূতকেতু ।—( বাম চক্ষুর স্পন্দন ) জীমূতবাহনের আসূতে বিলম্ব  
দেখে আমার হৃদয় অত্যন্ত ব্যাকুল হয়েছে ।

পোড়া বাম চক্ষু ওরে !                      বার বার কেন তুই

করিস্ স্পন্দন ?

ভগবান সূর্য্যদেব

দূরিত করুন এই

অশুভ স্মরণ ॥

( উর্দ্ধ দিকে অবলোকন করিয়া ) ত্রিভুবনের যিনি একমাত্র চক্ষু  
সেই এই ভগবান সহস্রকিরণ জীমূতবাহনের নিশ্চয়ই মঙ্গল করবেন ।  
( দেখিয়া সবিস্ময়ে )

সূর্য্য-দেহ-আভা সম

রক্তচ্ছটা করি' বিকীরণ,

ছরস্ত বায়ু-চালিত

তারকার জ্যোতির মতন,

দৃশ্যমান এ কি বস্তু

—ঝলসিয়া যুগল নয়ন—

নভ হতে সম্মুখে

সহস্রা গো হইল পতন ?

—একি ! পায়ে এসে পড়ল যে !

সকলে ।—( নিরীক্ষণ )

জীমূতকেতু ।—একি ! রক্তাক্ত মাংস-লগ্ন কার না জানি এ মাথার মণি ?

বৃদ্ধা ।—( সবিস্ময়ে ) মহারাজ ! এ চূড়ামণিটি আমার পুত্রের ।

মল ।—মা ! ও কথা বোলো না ।

সুন্দ ।—মহারাজ ! এরূপ না জেনে-ওনে বিহ্বল হবেন না । নাগরাজদের



নাগ-অধিপতির সে                      শ্লাঘা আজ্ঞা একটুও

না করিলি তুই রে পালন ;

অন্ত জন আসি' হেথা                      আত্ম-প্রাণ সমর্পিয়া

রক্ষণ করিল আজি তোরে ;

ধিক্ ধিক্ ! হায় হায় !                      একি শোচনীয় দশা !

দারুণ বঞ্চিত তুই ওরে !

তা, আমি ক্ষণকালের জন্তও বেঁচে থেকে আমার জীবনকে হান্ধাশ্পদ  
করব না। যাতে আমি তাঁর অনুগামী হতে পারি, এখন তারই  
চেষ্টা দেখি। ( পরিক্রমণ পূর্বক ভূমির দিকে চাহিয়া )

প্রথমে দেখিব, যেথা                      ভূতল পীড়ন করি'

মোটা মোটা রক্ত-কোঁটা

অবিরল হয়েচে পতিত ;

তার পর, শিলাতল                      —যেথা শীর্ণ রক্তকণা

সদীর্ঘ প্রদেশ ব্যাপি'

ক্রমান্বয়ে হয়েচে প্রসৃত ;

সেই সব বন-ভূমি                      —পিপীলিকা কীট-আদি

হইয়াছে যেথায় সঞ্চিত ;

ধাতু-স্বরঞ্জিত দেশ                      —যেথা রক্ত স্ফুল্ক

রঙে রঙে হয়েচে মিলিত ;

সেই ঘন তরু-চূড়া                      —রক্তের নৌলিমা যেথা

আরো ঘন হয়েচে বর্ধিত ;

এই ভাবে রক্তধারা

অহুসরি' অতি স্তম্ভরূপে

চলিয়াছি আমি এবো

ভেটিতে সে বিহঙ্গম-ভূপে ॥

বৃদ্ধা ।—( ভয়ব্যাকুল হইয়া ) মহারাজ ! একটি লোক—অরুণ-বর্ণ মুখ—  
যেন শোকগ্রস্ত হয়ে এইদিকে তাড়াতাড়ি আসূচে, তাই আমার  
হৃদয় আকুল হয়ে উঠেচে । তা, তুমি জিজ্ঞাসা কর ইনি কে ।

জীমূতকেতু ।—আচ্ছা দেবি, আমি জিজ্ঞাসা করছি ।

( শুনিয়া সহর্ষে হাসিয়া ) বোধ হয় এঁরই মাথার মণি কোন পক্ষী,  
মাথায় থেকে তুলে নিয়ে এই থানে ফেলে দিয়েচে ।

বৃদ্ধা ।—( সপরিতোষে, মলয়বতীকে আলিঙ্গন করিয়া ) বাছা, তুমি  
বিধবা হও নি—শাস্ত হও । যার এক্রপ আকৃতি, সে কখন বৈধব্য-  
দুঃখ ভোগ করে না ।

মল ।—( সহর্ষে ) মা ! এ তোমারি আশীর্ষাদের ফল ।

জীমূ ।—বৎস ! ব্যাপারটা কি ?

শব্দ ।—দুঃখ কষ্টের ভারে, আমার কণ্ঠ অশ্রুতে রুদ্ধ হয়ে গেছে, তাই  
আমি কিছুই বলতে পাচ্ছি নে ।

জীমূতকেতু ।—

সুহৃৎসহ পুত্র-শোকে হৃদয় আক্রান্ত,

তাহার সংবাদ বলি' কর মোরে শাস্ত ॥

শব্দ ।—ওহুঁন বৃলি ! জ্ঞাতিতে আমি নাগ—আমার নাম শব্দচূড় ।  
গরুড়ের আহারের জন্ত বাসুকী গরুড়ের কাছে আমাকে পাঠিয়ে-  
ছিলেন । অধিক আর কি বুলব ; ধূলিজালে এই রক্তধারার চিহ্ন  
ক্রমে হুল্লঙ্ঘ্য হয়ে যেতে পারে ; অতএব আমি সংক্ষেপে বলি ।

কোন বিদ্যাধর সাধু

হইয়া করুণাবিষ্ট-মন

রক্ষিগেন মোর প্রাণ

নিজ প্রাণ করি' সমর্পণ ॥

জীমূ ।—এমন পরহিত-রত আর কে হতে পারে ? বৎস ! স্পষ্ট করে'

বল সে জীমূতবাহন কি না । হা ! আমি অতি হতভাগ্য—আমারি  
দেখচি সর্বনাশ হয়েছে ।

বৃদ্ধা ।—বাছারে আমার ! কেন তুই এরূপ করলি ?

মল ।—আমার হৃদীবনাটাই কি তবে সত্যি হল ?

( সকলে মুচ্ছিত )

শঙ্খ ।—(সাক্ষীলোচনে) এঁরা নিশ্চয়ই সেই মহাত্মার পিতামাতা ! আমিই  
অপ্রিয় কথা বলে' এঁদের এইরূপ দশা উপস্থিত করেছি । অথবা  
বিষধরের মুখ হতে বিষ ছাড়া আর কি বেরতে পারে ? অহো !  
যিনি শঙ্খচূড়ের প্রাণদাতা—শঙ্খচূড় তাঁর বেশ প্রত্যাশ্রয় করলে  
যা হোক ! এখন তবে কি আত্মহত্যা করব, না এঁদের সাহসনা  
করব ? শাস্ত হোন্ জননি ! আশ্বস্ত হোন্ । ( উভয়ের সংজ্ঞালাভ )

বৃদ্ধা ।—বাছা ! ওঠো ; কেঁদো না—জীমূতবাহন বিনা আমার  
কি করে' বাঁচব ? ( প্রকাশে ) তুমি আমাদের সাহসনা  
কর ।

মল ।—( সংজ্ঞালাভ করিয়া ) নাথ ! কোথায় আবার তোমাকে  
দেখতে পাব ?

জীমু ।—হা বৎস ! গুরুজনের চরণ-সেবা কি করে' করতে হয় তা সে  
তুমিই জানতে ।

তোমার মাথার মণি

ফেলি দিয়া চরণে আমার

—লোকাস্তর হইলেও

তাজ নাই তবু শিষ্টাচার ॥

( চুড়ামণি গ্রহণ করিয়া ) হা বৎস ! তোমার শুধু এইটুকুমাত্র  
দেখতে পেলেম ? ( হৃদয়ে রাখিয়া ) ওহোহো !



ভক্তিভরে, দূর হতে                      শির অবনত করি’

প্রণমিত’ সদা যে গো

আমাদের যুগল চরণ

তার সেই চুড়ামণি

—হইলেও শাণে-ঘসা

মন্মথ কোমল—তবু

কেন করে হৃদি বিদারণ ?

বৃদ্ধা ।—হা পুত্র জীমূতবাহন ! গুরুজন-গুণ্ণাষা ছাড়া যার অস্ত্র কোন

স্বখে রুচি হত না, সেই তুই এখন স্বর্গ-স্বর্থ উপভোগ করবার ক্ষমতা,

কেমন করে’ তোর পিতামাতাদের ছেড়ে চলে গেলি বল্ দিকি ?

জীমূতকেতু ।—( সাক্ষ্যলোচনে ) দেবি ! কেন এ প্রলাপ-বাক্য বল্চ ?—

আমরাও কি জীমূতবাহন বিনা এক মুহূর্ত্তও বাঁচতে পারিব ?

মল ।—( পদতলে পড়িয়া কৃতাজ্জলি হইয়া ) আমাকে তবে আর্ধ্যপুত্রের

চুড়ামণিটি দিন—আমি এটিকে হৃদয়ে রেখে, জলন্ত আগুনে কাঁপ

দিয়ে, হৃদয়ের জালা জুড়াই ।

জীমু ।—পতিব্রতে ! কেন তুমি এত আকুল হচ্চ ? আমরা সকলেই

তো এইরূপ সঙ্কল্প করেছি ।

বৃদ্ধা ।—মহারাজ ! আমরা এখনও তবে কিসের অপেক্ষায় আছি ?

জীমু ।—আর কিছুই অপেক্ষা নেই । তবে কি না, রক্ষিতাগ্নি

অগ্নিহোত্রীদের অস্ত্র অগ্নির দ্বারা সংস্কার বিধেয় নয় । অতএব

অগ্নিহোত্র-আধার হতে অগ্নি এনে, এসো আমাদের দেহ প্রজ্জলিত

করি ।

শম্ভু ।—( স্বগত ) হায় হায় ! আমারই জন্ম সমস্ত এই বিদ্যাধর-বংশ

উচ্ছিন্ন হল ! আচ্ছা এইরূপ তবে বলা যাক্ ( প্রকাশে ) তাতা ! নিশ্চয়

না জেনে, এরূপ দুঃসাহসের কাজে প্রবৃত্ত হওয়া উচিত হয় না ।

দৈব-লীলার কথা কিছুই বলা যায় না । “এ নাগানন্দ”—জানতে

পেরে সেই নাগশক্র তাঁকে ছেড়ে দিলেও দিতে পারেন। অতএব  
আম্নন, আমরা ঐ দিকে গরুড়ের অনুসরণ করিগে।

বৃদ্ধা।—দেবতাদের প্রসাদে আমরা যেন পুত্র-মুখ আবার দেখতে পাই।

মল।—(স্বগত) এ হতভাগিনীর পক্ষে তা নিতান্তই দুর্লভ।

জীমু।—বৎস! তোমার কথাই যেন সত্য হয়। তুমি অগ্রে গরুড়ের  
অনুসরণ কর গে। দেখ, আমরা অগ্নিহোত্রী, অগ্নি-আধার হতে  
অগ্নি নিয়ে এখনি যাচ্ছি।

(পুত্রবধূর সহিত প্রস্থান)

শঙ্ক।—আচ্ছা আমি তবে এখন গরুড়ের অনুসরণ করি। (সম্মুখে  
নিরীক্ষণ করিয়া)

অদ্রি-মাবে নব নদী স্বজন করিয়া যেন

রুধিরাক্ত চঞ্চুর প্রহারে,

নেত্র-জ্যোতি-শিখানলে বন-পরিসর যেন

দগধ করিয়া একেবারে,

বজ্র-কঠোর-ঘোর নখপ্রাস্ত, ধরাতলে

গাঢ়রূপে করিয়া প্রবিষ্ট,

মলয়-গিরির শৃঙ্গে পল্লবের রিপু ওই

দূর হতে হইতেছে দৃষ্ট ॥

গরুড় আসীন—তাহার সম্মুখে নায়ক পতিত।

গরুড়।—আজ্ঞা আমি ভূজঙ্গ-পতিদের আহার করছি, কিন্তু এরূপ  
আশ্চর্য্য ব্যাপার তো পূর্বে কখন দেখি নি! এই মহাত্মা ব্যথিত  
হওয়া দূরে থাক, বরং একে যেন আরও প্রহৃষ্ট দেখছি।

ব্যথা-গ্নানি নাহি এর যদিও ও-দেহ হতে

করিতেছি বহু রক্ত পান ;

মাংস-ছেদন-জাত

বেদনা সহিয়া তবু

কিবা এঁর প্রসন্ন বয়ান !

পুলক হয় নি লুপ্ত,

ইহাঁর সমস্ত গাত্রে

লোম-হর্ষ স্পষ্টরূপে হতেচে লক্ষিত ;

অপকারী হইলেও,

আমি যেন উপকারী

এই ভাবে আমা-পরে দৃষ্টি নিপতিত ॥

এঁর ধৈর্য্য-বৃত্তি দেখে আমার কৌতূহল হচ্ছে—আচ্ছা এঁকে আর  
ভক্ষণ করব না। জিজ্ঞাসা করে' দেখি লোকটা কে।

নায়ক ।—ওগো মহাত্মা গরুড় !

শিরামুখ-হতে বরে রক্ত অবিরাম,

এখনো এ দেহে মোর মাংস বিদ্যমান ;

তবু নাহি তৃপ্তি তব—কেন গো বল তো ;

ভক্ষণে কেন গো তুমি হইলে বিরত ?

গরুড় ।—( স্বগত ) আশ্চর্য্য আশ্চর্য্য ! এই অবস্থাতেও এর কি তেজ-  
স্বিতা ! ( প্রকাশে )

তব হৃদি হতে রক্ত

চঞ্চু দিয়া করিয়াছি

আমি আহরণ ;

আমার হৃদয়-রক্ত

ধৈর্য্য-বলে আহরিলে

তুমি গো এখনু ॥

—অতএব তুমি কে, আমি শুনতে ইচ্ছা করি।

নায়ক ।—তুমি এখন ক্ষুধায় কাতর, এখন তোমার এ শোণবীর অবস্থা  
নয়। আমার মাংস-শোণিত আহরণ করে' তুমি এখন তৃপ্ত হও।

শঙ্ক ।—( সহসা নিকটে আসিয়া ) গরুড় ! এ হুঃসাহসের কাজ কোরো  
না, কোরো না। ইনি নাগানন্দ, এঁকে ছেড়ে দেও। আমাকে

ভক্ষণ কর ; বাসুকী আমাকে তোমার আহারের জন্ত পাঠিয়েচেন ।  
( বক্ষ পাতিয়া দিয়া )

নায়ক ।—( শঙ্খচূড়কে দেখিয়া ) হায় হায় ! শঙ্খচূড় এসে আমার মনো-  
বাঞ্ছা যে ব্যর্থ করে' দিলে ।

গরুড় ।—( উভয়কে নিরীক্ষণ করিয়া ) তোমরা দুজনেই তো দেখ্‌চি  
বধ্যচিহ্ন ধারণ করেছ ; তোমাদের মধ্যে কে নাগ আমি তো বুঝতে  
পারচিনে ।

শঙ্খ ।—এস্থলে ভ্রম হতেই পারে । কিন্তু :—

বক্ষে মোর “স্বস্তি” চিহ্ন,      কঞ্চুক শরীরে কি গো  
হয় না লক্ষিত ?

তব সনে বাক্যালাপে      দুই জিহ্বা মোর কি গো  
হয় না গণিত ?

সুতীত্র বিষগ্নি-ধূমে      পরিম্লান-রত্ন-কাস্তি  
এ হেন এই যে মোর ফণা

তাহতে—অসহ শোকে— বাহিরিছে যে শীংকার  
তাহা কি গো তুমি দেখিছ না ?

গরুড় ।—( উভয়কে নিরীক্ষণ করিয়া শঙ্খচূড়ের ফণা দেখিয়া ) আচ্ছা  
তবে, আমি কাকে বধ করচি বল দিকি ?

শঙ্খ ।—বিদ্যাধর-বংশ-তিলক জীমূতবাহনকে । নিষ্ঠুর হয়ে আপনি  
কেন এ কাজ করলেন ?

গরুড় ।—( স্বগত ) কেন আমি এ কাজ করলেম ? ইনিই কি সেই  
বিদ্যাধর-কুমার জীমূতবাহন ?

সুমেরুর শৈল-দেশে,

মন্দরের পর্বত-গুহায়,

হিমাচল-সাহু দেশে,

মহেন্দ্র ও কৈলাশ-শিলায়,

মলয়ের পূর্বভাগে,

দিগন্তের কানন-সীমায়,

“লোকালোক”-গিরি-চর বৈতালিকগণ

উর্দ্ধকণ্ঠে যশ যার গাহে অমুক্ষণ ?

—তাহলে আমি তো মহাপাপ-পক্ষে নিমগ্ন হয়েছি ।

নায়ক ।—ওগো ফনি-পতি ! তুমি এত উদ্ভিগ্ন হলে কেন ?

শব্দ ।—আমি কি অकारণে উদ্ভিগ্ন হয়েছি ?

স্বশরীর দান করি’

গরুড়ের হস্ত হতে

এ মোর শরীর যদি

করিলে রক্ষিত,

পাতাল হইতে তবে

আরে; নিম্ন রসাতলে

আমারে লইয়া যাওয়া

তোমার উচিত ॥ \*

গরুড় ।—এ কি ! করুণার্দ্ৰচিত্ত হয়ে এই মহাত্মা আমার কবলে পতিত

এই নাপ্তের প্রাণ রক্ষার জন্ত, আমার সাহায্যার্থে নিজ শরীর অর্পণ

করতে এখানে উপস্থিত ! আমি তাহলে তো অত্যন্ত অত্মায়

কাজ করেছি । অধিক কি, একজন বোধিসত্ত্ব মহাত্মাকে আমি

বধ করছি ! এই মহাপাপের জন্ত অগ্নিপ্রবেশ ভিন্ন আর তো

কোন প্রায়শ্চিত্ত দেখি নে । কিন্তু এখন অগ্নি কোথায় পাই ?

( চারি দিক অবলোকন করিয়া ) এই যে ! একজন অগ্নিহোত্রী

ব্রাহ্মণ এই দিকে আসছেন—আচ্ছা, এখন তবে ওঁরই অপেক্ষায়

থাকা যাক ।

শব্দ ।—কুমার ! তোমার পিতামাতা এসেছেন ।

নায়ক ।—( শশব্যস্ত হইয়া ) শঙ্কচূড় ! তুমি এখানে বসে উত্তরীয়  
 দিগ্নে আমার শরীর আচ্ছাদন করে' আমাকে ধরে' থাকো ; নচেৎ  
 সহসা আমার এইরূপ অবস্থা দেখলে মা প্রাণত্যাগ করতে পারেন ।  
 শঙ্ক ।—( পার্শ্বে পতিত উত্তরীয় লইয়া তথা করণ )

পত্নী ও বধূ-সমভিব্যাহারে

জীমূতকেতুর প্রবেশ ।

জীমূতকেতু ।—( সাক্ষ্যলোচনে ) হা পুত্র জীমূত বাহন ! . .

“এ জন আত্মীয় মোর                      ও আমার পর”—ইহা

নহে বটে দয়ার নিয়ম ;

কিন্তু ভাবিলে না তুমি                      একজন রক্ষণীয়

কিছা রক্ষণীয় বহুজন ।

নিজ প্রাণ বিসর্জিয়া,                      গরুড়ের হস্ত হতে

বাঁচাইতে ভুজঙ্গ-বিশেষ

পিতা মাতা, আত্মা, বধূ                      সবারে করিলে বধ

—কুল মোর হইল নিঃশেষ ॥

বৃদ্ধা ।—( মলয়বতীর প্রতি ) বাছা ! একটু থানি অপেক্ষা কর ; অবি-  
 রল অশ্রুবিন্দু পড়ে' আগুনটা নিভ-নিভ হয়েচে ?

( সকলের পরিভ্রমণ )

জীমূতকেতু ।—হা পুত্র জীমূতবাহন !

গরুড় ।—( শুনিয়া ) “হা জীমূতবাহন”—এই কথা বলচে না ?—তবে

তো ইনিই ওঁর পিতা । তবে কি এই অগ্নিতে প্রবেশ করে' আমি

আত্মহত্যা করব ? আমিহি তো ওঁর পুত্রঘাতী—লজ্জায় আমি তাই

ওঁর কাছে মুখ দেখাতে পারচিনে । কিন্তু অগ্নি-প্রবেশের কথা

ভাবচি কেন, আমি যে এখন সমুদ্র-তীরে রয়েচি ।

ত্রিভুবন-প্রাসোল্লাসে

যে অনল সদা উল্লসিত ;

যে অগ্নি সঞ্চারি' পারে

স্বর্ঘ্যেও করিতে কবলিত ;

কাল-জিহ্বাসম সেই

সাগরের বাড়ব-ছত্যাশনে

প্রজ্জ্বলিত করি তুলি'

মোর পক্ষ-প্রলয়-পবনে,

তাহাতেই দিয়া কাঁপ্

দেহ নাশ করিগো এক্ষণে ॥

( উত্থান করিতে উদ্যত )

নায়ক ।—ওগো পক্ষিৰাজ ! ও চেষ্টা কোরো না ! পাপের প্রায়শ্চিত্ত  
এ নয় !

গরুড় ।—( জাহ্নু পানিয়া কৃতাজ্জলি হইয়া ) মহাত্মন ! বল তবে তুমি  
কে ।

নায়ক ।—একটু অপেক্ষা কর । আমার পিতামাতা এসেছেন, আগে  
তাদের আমি প্রণাম করে' আসি ।

গরুড় ।—আচ্ছা ।

জীমূতকেতু ।—( দেখিয়া সহর্ষে ) দেবি ! আমাদের কি সৌভাগ্য !  
বৎস জীমূতবাহন বেঁচে আছে ; শুধু তা নয়, দেখ, গরুড় শিবোর  
ভ্রায় কৃতাজ্জলি হয়ে ওর উপাসনা করচে ।

বৃদ্ধা ।—মহারাজ ! কৃতার্থ হলেম ; এখনও বাছা অক্ষত-শরীর । যাই,  
বাছার মুখ খানি একবার দেখি গে ।

মল ।—আমার নাথকে আবার আমি দেখতে পাব ?—এ যে অতি-  
সুখের কথা, আমার তাই প্রত্যয় হচ্ছে না ।

জীমূতকেতু ।—( নিকটে আসিয়া ) এসো বৎস এসো ; আমাকে আলিঙ্গন কর ।

নায়ক ।—( উত্থান করিতে উদ্যত হওয়ায় উত্তরীয় অঙ্গ হইতে স্থলিত হইয়া মুর্ছিত )

শঙ্খ ।—কুমার ! ওঠো, ওঠো !

জীমূতকেতু ।—হা বৎস ! আমাকে দেখেও কেন আলিঙ্গন করচ না ?

বৃদ্ধা ।—ওরে বাছা ! একটি মুখের কথা বলেও তুই আমাদের আদর করলি নে ?

মল ।—হা নাথ ! গুরুজনদের কি তুমি দেখবে না ?

( সকলে মুর্ছিত )

শঙ্খ ।—হা হতভাগ্য শঙ্খচূড় ! জন্মাবা মাত্রই কেন তোর মরণ হয় নি ?

—তুই যে প্রতিক্ষণে মরণেরও অধিক কষ্ট পাচ্চিস্ ।

গরুড় ।—আমি অতি নির্ভর, এ সমস্তই আমার অবিবেচনার ফল ।

আচ্ছা, এইরূপ তবে করা যাক্ । ( পক্ষ দ্বারা বীজন ) উঠুন, মহাত্মা উঠুন ।

নায়ক ।—( সংজ্ঞা লাভ করিয়া ) শঙ্খচূড় ! তুমি পিতামাতাদের সাস্থনা কর ।

শঙ্খ ।—তাত ! উঠুন, উঠুন । জননী উঠুন ! ( উভয়ের সংজ্ঞা লাভ )

বৃদ্ধা ।—আমাদের চক্ষের সামনে থেকে ছুট কৃতান্ত কেন তোকে হরণ করলে ?

জীমূতকেতু ।—দেবি ! ও অমঙ্গলের কথা বোলো না । বৎস বেঁচে আছে । এখন বধূকে সাস্থনা কর ।

বৃদ্ধা ।—( বস্ত্রে মুখ ঢাকিয়া রোদন করিতে করিতে ) অমঙ্গল দূর হোক্

—আমি আর কাদক না । মলয়বতি ! ওঠো, ওঠো—এই বেলা

স্বামীর মুখ দর্শন কর ।



মল ।—( সংজ্ঞা লাভ করিয়া ও মুখ ঢাকিয়া ) হা নাথ !

বুদ্ধা ।—বাছা ! গুরুপ কোরো না—অমঙ্গল দূর হয়েছে ।

জীমু ।—( সাক্ষ্যলোচনে স্বগত )

শেষ অঙ্গটিও লুপ্ত,                      নিরাশ্রয় হয়ে তাই  
 ওষ্ঠাগত প্রাণ এবে  
 হয়গো বাহির ;  
 পুত্রের এ দশা হেরি'                      সন্তাপে শতধা হয়ে  
 কেন না বিদৌৰ্ণ হয়  
 এ মোর শরীর ?

মল ।—হা নাথ ! আমি কি কঠোর ! তোমার এই দশা দেখেও কি না  
 আমি প্রাণত্যাগ করচি নে !

বুদ্ধা ।—( নায়কের অঙ্গ-সকল স্পর্শ করিতে করিতে গুরুড়ের প্রতি )  
 নৃশংস ! আমার পুত্রটির এখন এই নবযৌবন, এরই মধ্যে তুই কি  
 না তার শরীরের এই অবস্থা করলি ?

নায়ক ।—না না, তা নয়, মা ! ও আর বিশেষ কি করেছে ? প্রকৃত-পক্ষে  
 আমার শরীরের অবস্থা পূর্বে হতেই এইরূপ । দেখ :

মেদ অস্থি মাংস মজ্জা

রক্তের স্রুমাটি দেহ-মাঝে

—বীভৎস-দর্শন যাহা—

তাহে শোভা বল কিবা আছে ?

গুরুড় ।—ওগো মহাত্মা ! আমার মনে হচ্ছে আমি যেন ঘোর নরকা-  
 নলে দগ্ধ হচ্ছি । এখন উপদেশ করুন, 'কি করে' আমি এই পাপ  
 হতে মুক্ত হই ।

নায়ক ।—পিতার আজ্ঞা হলে' আমি এঁর পাপের প্রায়শ্চিত্তের  
উপদেশ দি ।

জীমু ।—আচ্ছা দেও বৎস !

নায়ক ।—বিনতা-নন্দন ! শোনো তবে ।

গরুড় ।—( কৃতাজ্জলি হইয়া ) আজ্ঞা করুন ।

নায়ক ।—প্রাণ-নাশে ক্ষান্ত হও, অহুতাপ করি' কর

হিংসা-জাত পূর্ব-পাপক্ষয় ; . .

সকল জীবের প্রতি অভয় করিয়া দান

যত্নে পুণ্য করহ সঞ্চয় ;

এইরূপ আচরিলে, না ফলে পাপের ফল

—জীব-হিংসা হতে সমুৎপন্ন ;

হৃদমধ্যে বিনিক্ষিপ্ত লবণের কণা যথা

জলস্রোতে হয়ে যায় মগ্ন ॥

গরুড় ।—যে আজ্ঞা ।

ছিহু গো শয়নে আমি অজ্ঞান-নিদ্রায়

তুমি এবে জাগাইয়া দিলে গো আমায় । .

আজিকে হইতে আমি—করি গো শপথ—

সর্ব-প্রাণী-হত্যা হতে চইহু বিরত ॥

এখন নাগের দল করুক সমুদ্র মাঝে

সুখে বিচরণ :—

দ্বীপের আকারে কেহ পুলিন-বিপুল-ফণা

করুক ধারণ ;

কুণ্ডলী পাকায় কেহ করুক আবর্ত-ভ্রান্তি

জলে উৎপাদন ;

কূল হতে কূলে কেহ

অক্লেশে চলিয়া যাক

সেতুর মতন ॥

তা ছাড়া :—

পদ-প্রাস্ত-বিলম্বিত

যন অন্ধকার-প্রায়

কেশপাশ করিয়া ধারণ,

নব রবি-কর-স্পর্শে

কপোল রক্তিম করি'

ঠিক যেন সিন্দূর-লেপন,

আয়াসে অলস অঙ্গ

—শ্রম-ক্লেশ তবু কিছু তার—

বিশ্রাম না করি গণনা,

চন্দন-কাননে এই

গাউক তোমারি কীর্তি

যত নাগ-যুবতী ললনা ।

নায়ক ।—সাধু মহাত্মা সাধু ! আমি এতে সম্পূর্ণরূপে অমুমোদন করি,

তুমি সর্বপ্রকারে দৃঢ়প্রতিজ্ঞ হও । ( শঙ্কচূড়ের প্রতি ) দেখ

শঙ্কচূড় ! তুমিও এখন নিজ গৃহে ফিরে যাও ।

শঙ্ক ।—( নিঃশ্বাস ফেলিয়া অধোমুখে অবস্থান )

নায়ক ।—( নিঃশ্বাস ফেলিয়া মাতাকে দেখিতে দেখিতে )

গরুড়ের চঞ্চু-অগ্র

নিপাতিত হইয়াছে

তব কলেবর

—ইহা ভাবি' মাতা তব • নিশ্চয় তোমার শোকে

আছেন কাতর ॥

বৃদ্ধা ।—( সাক্ষ্যলোচনে ) ধন্য সেই জননী যার পুত্র গরুড়ের মুখে পড়েও

অক্ষতশরীর, আর সেই পুত্রের মুখ এখন তিনি দেখিতে পাবেন ।

শঙ্ক ।—মা ! সে কথা সবই সত্য, যদি কুমার প্রকৃতিস্থ হন ।

নায়ক ।—( বেদনা প্রকাশ করিয়া ) ওহোহো ! পরোপকার সাধন-

সুখের সম্বন্ধে আমি এতক্ষণ বেদনা কিছুমাত্র অনুভব করি নি ;  
কিন্তু এখন আমার ঘোর মর্শ্চছেদী যাতনা আরম্ভ হয়েছে !

( মরণাবস্থা )

জীমূতকেতু ।—( শশব্যস্ত হইয়া ) হা বৎস ! কেন একুপ করচ ?

বৃদ্ধা ।—হা ! কেন বাছা একুপ বলচে ; রক্ষা কর রক্ষা কর—এইবার  
নিশ্চয় দেখিচি বাছার মৃত্যুদশা উপস্থিত ।

মল ।—হা নাথ ! মনে হচ্ছে যেন তুমি আমাকে ছেড়ে চলে যাচ্ছ !

নায়ক ।—( কৃতাজ্ঞলি হইতে ইচ্ছুক হইয়া ) শঙ্খচূড় ! আমার দুই হাত  
একত্র করে' দেও দিকি ।

শঙ্খচূড় ।—( তথা করত ) হায় হায় ! জগৎ আজ অনাথ হল !

নায়ক ।—( অর্দ্ধোন্মীলিত নেত্রে পিতাকে দেখিতে দেখিতে ) তাত !  
জননি ! এই আমার শেষ প্রণাম ।

এই সব অঙ্গ মোর

আর নাহি এবে সচেতন,

সুস্পষ্ট কথাও এবে

কর্ণ আর না করে শ্রবণ,

হায় হায় ! এই চক্ষু

অকস্মাৎ গেল যে মুদ্রিয়া,

পিতা ওগো ! অবশ এ

প্রাণ বুঝি যায় বাহিরিয়া ॥

অথবা, নাগের প্রাণ রক্ষা—

( পতন )

বৃদ্ধা ।—হা পুত্র ! হা বৎস !—শুষ্কজন-বৎসল ! তুই কোথায় গেলি ?

উত্তর দে ।

জীমূতকেতু ।—হা বৎস জীমূতবাহন ! হা প্রণয়িন-বনত ! সর্বশূণ্য

নিধি !—কোথায় তুমি ? উত্তর দেও । ( হস্ত উৎক্লিপ্ত করিয়া )  
হায় হায় ! কি কষ্ট !

তুমি গেলে লোকান্তরে, তোমার বিহনে ধৈর্য্য  
হল নিরাশ্রয় ;

তোমার বিহনে বৎস কাহার আশ্রয় লবে  
এবে গো বিনয় ?

আর কেবা আছে হেথা, ক্রমা আচরণ করে  
তোমার সমান ?

লুপ্ত হল বদান্ততা, সত্যই যে সত্য এবে  
হ'ল অন্তর্ধান ।

কৃপা এবে কৃপাপাত্র

—করিবে সে কোথায় গমন ?

তোমার বিহনে পুত্র

শূন্য হল এ বিশ্ব-ভুবন ॥

মল ।—হা নাথ ! 'আমাকে পরিত্যাগ করে' তুমি কোথায় গেলে ?  
মলয়বতি ! তুই অতি কঠোর-হৃদয় ! কার দর্শনের আশায় তুই  
এখনও বেঁচে আছিস্ ?

শঙ্খ ।—হা কুমার ! এই প্রাণাপেক্ষাও প্রিয় বরনভকে ছেড়ে তুমি কোথায়  
যাবে ? শঙ্খচূড় নিশ্চয়ই তোমার অনুগামী হবে ।

গরুড় ।—হায় হায় ! এই মহাত্মা গীত হলেন । আচ্ছা, আমি তবে  
এখন করি কি ?

বুদ্ধা ।—(সাত্ত্বলোচনে উজ্জ্বল অবলোকন করিয়া ) ভগবান লোকপালগণ !

অমৃত সিঞ্চন করে' কোন্ প্রকারে আমার পুত্রকে তোমরা বাঁচাও ।

গরুড় ।—( সহর্ষে স্বগত ) অমৃতের কথায় বেশ একটা কথা মনে পড়ে  
গেল, এইবার মনে হয়, আমার অপবশ নষ্ট হবে । এখন তবে .

আমি ত্রিদশাপতি ইন্দের কাছে গিয়ে আমার প্রার্থনা জানাইগে ;  
তিনি যে অমৃত বর্ষণ করবেন তাতে শুধু জীমূতবাহন কেন—পূর্ব-  
ভক্ষিত অস্ত্রিশেষ সমস্ত নাগদেরই আমি বাঁচাতে পারব । আর, যদি  
তিনি অমৃত না দেন, তা হলে আমি :—

মহা-বেগবান, পটু,                      বায়ু-তুল্য পক্ষভরে

উঠি নভে, পিব আমি

সমস্ত সাগর ;

মোর নেত্রানল-দাহে                      প্রদীপ্ত দ্বাদশ সূর্য্য

মূরছি পড়িবে ভূমে

হইয়া কাতর ;

চঞ্চুতে করিব চূর্ণ,

ইন্দ্রবজ্র, যম-দণ্ড,

গদা কুবেরের ;

দেবগণে জিনি' যুদ্ধে

অমৃত প্রদেশ এক

সৃজিব গো ফের ॥

আমি তবে চল্লম ।

( সগর্বে পরিক্রমণ করত প্রস্থান )

জীমু।—বৎস শঙ্খচূড় ! এখনও কেন দাঁড়িয়ে আছ ? কাষ্ঠ আহরণ  
করে' আমার পুত্রের চিতা রচনা কর ;—ঐ সঙ্গে আমরাও যাব ।  
বুদ্ধা।—বাছা শঙ্খচূড় ! শীঘ্র প্রস্তুত কর । দেখ তোমার ভ্রাতা  
আমাদের ছেড়ে একাকী রয়েছেন ।

শঙ্খ।—যে আজে । আপনাদের আগে আমিই যাব । ( উঠিয়া চিতা  
রচনা করিয়া ) জনুনি ! এই চিতা সজ্জিত হয়েছে ।

জীমু।—দেবি ! আর রোদহন কি ফল ? এখন ওঠো, চিতায় আরোহণ  
করা যাক । ( সকলের উত্থান )

মল ।—( অঞ্জলিবদ্ধ হইয়া দেখিতে দেখিতে ) ভগবতি গৌরি ! তুমিই  
আজ্ঞা করেছিলে, বিদ্যাধর-চক্রবর্তী আমার পতি হবেন । তবে এই  
হতভাগিনীর জন্ত তুমি কেন অলীক-বাদিনী হলে বল দিকি ?

ব্যস্ত-সমস্ত হইয়া গৌরীর প্রবেশ ।

গৌরী ।—মহারাজ জীমূতকেতু ! এরূপ হুঃসাহসের কাজ কোরো না ।

জীমু ।—এ কি ! অমোঘ-দর্শনা গৌরী যে !

গৌরী ।—( মলয়বতীর প্রতি ) বৎসে ! বলদিকি, আমি কিসে অলীক-  
বাদিনী হলেম ? ( নায়কের নিকটে গিয়া কমণ্ডলু হইতে জল  
সিঞ্চন করিয়া )

নিজের জীবন দিয়া

জগতের হিত তুমি

করেছ সাধন

—তোমা পরে তুষ্ট আমি, বাঁচিয়া ওঠো গো বৎস

জীমূতবাহন !

নায়ক ।—( উত্থান )

জীমু ।—( সহর্ষে ) দেবি । কি সৌভাগ্য ! ঐ দেখ, বৎস আবার বেঁচে  
উঠেছে ।

বৃদ্ধা ।—সে, ভগবতীরই প্রসাদে ।

নায়ক ।—( গৌরীকে দেখিয়া কৃতাজ্ঞ হইয়া ) এ কি ! অমোঘ-দর্শনা  
ভগবতী যে !

অখিল জন-বাহিত-বর-প্রদায়িনি !

প্রণত জনের হুঃখ-ক্লেশ-সংহারিণি !

—শরণা সবার !

বিদ্যাধরগণ-পূজ্যা গৌরি ও গো । নমি আমি

চরণে তোমার ॥

( গৌরীর পদতলে পতন )

সকলে ।—(উদ্ধৃদিকে দর্শন )

গৌরী ।—রাজন্ ! জীমূতকেতো ! জীমূতবাহনকে আর এই অস্থিশেষ  
নাগদের বাঁচাবার জন্য অমৃতাপ-গ্রন্থ পক্ষিরাজই দেবলোক হতে  
এই অমৃত-বৃষ্টি করাচ্ছেন । ( অঙ্গুলি-নির্দেশ করিয়া ) তুমি কি  
দেখতে পাচ্চ না ?

দীপ্তমণি-প্রভা-জ্বালে                      বাহাদের শিরোদেশ

সদা উদ্ভাসিত

—হেন বিষধর সবে                      শঙ্খচূড়-নাগ-সহ

হইয়া মিলিত

অমৃত-রসের লোভে                      রসনাগ্রন্থ দিয়া

ভূতল লেহিয়া,

গিরি-নদী-স্রোত-সম                      মহাবেগে বক্র পথে

আঁকিয়া-বাঁকিয়া

চলিয়া গৌ অবশেষে                      দেখ মহা-জলধিতে

এবে পশে গিয়া ॥

( নায়কের প্রতি ) বৎস জীমূতবাহন ! কেবল মাত্র জীবনদানই  
তোমার উপযুক্ত পুরস্কার নয় ; এই তোমার আর একটি পুরস্কার :—

এ মোর মানস হতে                      স্বেচ্ছাকৃত রত্ন-কুণ্ডে

স্বপবিজ্র জল আনি' তুলি'

—মিশ্রিত হয়েচে যাতে •                      হংস-অঙ্গ-বিকম্পিত

কনক-কমল-রেণুগুলি—

সেই জলে আমি নিজে                      অভিষেক-কার্য্য তব

বিধিমতে করি' সমাপন,

বিদ্যাধর-চক্রবর্তী •                      —এই পদ তোমারে গো

প্রীত হয়ে করিহু অর্পণ ॥



আরো এখন দেখতে পাচ্ছি, শারদশশীর ন্যায় নিম্নল অভিনব ব্যজন  
হস্তে, মণি-প্রভা-বিরচিত ইন্দ্রধনু-তুল্য বিবিধ ভূষণ অঙ্গে ধারণ করে,  
হতভাগ্য “মতঙ্গ” প্রভৃতি বিদ্যাধরপতিগণ পূর্বার্দ্ধ-কায় ভক্তিরে  
আনিমিত করে’ বারম্বার আমাকে নমস্কার করচে । তা, এখন বল,  
তোমার আর কি আকাঙ্ক্ষা আছে ।

নায়ক ।—এর পরেও আমার কি কোন আকাঙ্ক্ষা থাকতে পারে ?

পক্ষিরাজ-ভয় হতে                      এই শঙ্খচূড় আজি

হইল রক্ষিত ;

গরুড় পাইল শিক্ষা ;                      পূর্বের যে ভূজঙ্গগণ

হইল ভক্ষিত

তাহারাও সবে এবে                      অমৃতের বরষণে

হইল জীবিত ;

আমি বাঁচিলাম বলি’                      পিতা মাতা না করিলা

প্রাণ বিসর্জন ;

চক্রবর্ত্তি-পদ পেছু ;                      পাইলাম আরো আমি

তোমার দর্শন ;

এর পর আরো কিবা                      থাকিতে পারে গো মোর

বাসনা এখন ?

—তথাপি নটের এই প্রার্থনাটি যেন পূর্ণ হয় ।

হরষিত শিখীদের তাণ্ডবের তরে

মেঘ যেন যথাকালে বরষণ করে ।

বিগত-বিপদ হয়ে

ঐরাজ্যের যত প্রজাগণ

না করি’ পরের দ্বেষ

পুণ্য যেন করে আহরণ ;

আর আত্ম-বন্ধু মাঝে

মনস্থখে থাকি' অনুরক্ষণ

আমোদ-প্রমোদে কাল

সদা যেন করে গো যাপন ॥

( সকলের প্রস্থান )









